





Inven. 188 — 189

Bibl. Jag.

Vana opera vi patet ex indice

Theocritus et Hesiodus Poetae.

Græci Septuaginta Martiani Poetae

Pomponius Aspinus Romana

Valerius Rufus de interpretandi Romanorum consilio

Græci Poetae Epigrammatum

X. XI. II b - g

(p. a = Inc. 2963)



FRATRIS BAPTISTÆ Mantuani Carmelitæ  
theologi ad clarissimum Equitem Dominum Lo-  
douicum Gonzalem Hispanū diui Iacobi Galle-  
ci commendatarium dignissimum in Robertum  
Seuerinatem panægyricum Carmen.

EMIDEVM Veteres insignia  
facta poetæ  
Meoniis usi fidibus grandiq; co-  
thurno

E tenebris claram in lucem traxere canendo.  
Propterea magni tumulum miratus Achillis  
Pelleo genitore satus dum mœnia Troiæ  
Littore sigeo laceramq; inuiseret urbem  
O fortunatum iuuenem cui carmine dixit  
Meonio dici tantoq; ad sidera cantu  
Contigit extolli: fama; repellere morrem.  
Sed tamen in sacros fors est minus æqua poetas.  
Nam dum magna canunt heroum facta putantur  
Vana loqui: quia uulgus iners et languida corda  
Dum sublime nihil curant et segnia ducunt  
Ocia uirtutis durissima pectora nunq̃  
Cominus et fortes contrectauere lacertos.  
Noctua phœbeum uisu non sustinet orbem:  
Hoc etiam iouis arinigero putat esse negatum.

.A.i





Sic genus hoc ex sanguine suis quod uiribus impar:  
Autumat herculeos excidere iudicat ausus.  
Cadite degeneres animi: noctemque subite:  
Tartaream stygiique lacus terribilissima lustra  
Lumine qui tremulo claros non cernitis ignes:  
Nec quales habeat uirtus discernitis alas.  
Quis lernæ Nemæque feram saltusque molochi  
Quis domuit ceruam arripede? quis abstulit agues  
Vertice de lycii montis flammamque chimææ  
Et quis semiferis iuga dicitur hospita monstris  
Oppressisse? fuit labor et solertia tanti.  
Ampla quis ex uno confecit marmore tecta  
Thraicio fundata solo: qua magna perinthus  
Ante fuit: priscum mutauit heraclea nomen.  
Ardua pyramidum quis culmina nubibus æquat?  
Quis tantis ephesum templis? quis turre Canopum  
Lucifera? libycas olim quis pressit harenas  
Mole iouis tanti? quis uicit ama zona fortem?  
Quis lapidas: durosque truci læstrigonas ore?  
Alpinum quis strauit iter? quis marmor acetosa  
Rupit et æternis canentia saxa pruinis?  
Hæc facit assiduo sudans in puluere uirtus.  
Quattuor in magno rerum primordia mundo  
Secretis abstrusa locis ignotaque regnant:  
Scilicet hæc. fatum. uirtus. fortuna. deusque.



Iura deo maiora manent. cui proxima uirtus  
Tertia sors fato. cui se fortuna ministram  
Exhibuit: flammis uirtus durata geluq;  
Fortunam fatumq; domat. dare sola triumphos  
Et lenibus uectare rotis: intexere lauros  
Frontibus et uiridi raptum de cespite gramen  
Ipsa potest. fuluo lucentes are coronas  
Signaq; partitur naualibus ardua rostris.  
Et faciles myrtos ex sanguis pramia belli.  
Hæc monstrare uolens sua quanta potentia sacris  
Plurima preteritis hominum sublimia fecit  
Pectora sed nostro non usa minoribus auro  
Viribus illustrem belli pacisq; Robertum  
Protulit officiis: se seq; effudit in illum.  
Ipse caput sacrum totamq; simillimus illi  
Corporis effigiem. Casu si pingat apelles  
Insignem clarumq; ducem uoluisse Robertum  
Fingere: et exemplar ductum crederetur ab illo.  
Cerne uirum. uiden excelsa quæ gloria fronti?  
Quis capiti decor incano? quæ gratia uestit  
Lumina? maturo quid maiestatis in ore  
Fulgeat? extantes humeros pectusq; leuatum  
Leniter et fettofa toris porrectaq; cerne  
Brachia neruorum solida compage ligari.  
Præscia uenturi iussuq; excita tonantis



Tale duci natura decus largita futuro est.  
Quā bene cristata recubant sub casside crines.  
Quā bene sub torace sedent mauortia corda.  
Non arata grauat uiridem lorica senecam.  
Non ualidam grauis hasta manū: non ilia fulgens  
Ensis: et horrificum spargens romphaea nitorem.  
Cum rutilare truces conos adamantaq; summo  
Vertice uiibrantes late diffundere flammās.  
Aduersā uidere acies trepidare uideres.  
Corda manusq; uirū: tremulaq; in strapede plātas.  
Stare loco. nescire: ducis præsētia tanti est.  
Sicut ubi libyæ per inhospita rura. leonem  
Iratum uidere ferā: si fidere cursu  
Si tentare fugam nequeunt ante illius ora  
Deposita ceruice iacent: regemq; fatentur.  
Nec semel aut uno tantū fuit agnita uirtus  
Ista loco: procul europam discurrit in omnem.  
Qua premit aerias gallis in finibus alpes  
Hyberno Cynosura gelu: qua murmurat æquor  
Hadriacum: qua rura lygur saxosa colonus  
Exercet mitesq; legit de collibus uuas  
Thyrrheno siculoq; madent ubi littora fluctu  
Facta dūcis celebremq; sonant ora omnia famā.  
Quid referam uirides annos cū uenit in arma



Penepuer: patrum mores et sfortia semper  
Signa sequens: teneras prima lanugine malas  
Claudere fulgenti galea tum coepit: et armos  
Deliciis rigido positus circumdare ferro.  
Sicut Marmarici soboles primævia leonis  
Iam pendente iuba curuis ubi fortior ætas  
Vnguibus et ualidis armatut dentibus ora  
Stare nequit: cursuq; feras saltuq; fatigat.  
Sic puer ut flagrans picena p oppida fulmen  
Transit: et celeri fregit tor mœnia marte.  
Non maiora tulit uirtutis signa futura  
Scypio: cum pauidis tranans pro ciuibus æquor  
Attulit in libycam strages et funera gentem.  
Quid repetam uictis antiqua pericula boiis?  
Scit Dardō Tanarusq; furēs Tanaroq; ppinquas  
Eridanus nec non insubris flumina lambri.  
Quid cum uix secum rapuit sua signa Iacobus  
Aufugiens: erat ille tamen non segnis: et artem  
Palladium doctus: sumptuq; acerrimus hasta.  
Non maritus Cimbrum maiori clade furentem  
Nec marathon fudit maiori turbine persas  
Milciades quādo subitis congressibus hostem  
Fregit: et ingentem sepeliuit sanguine campum.  
Adde fluentinis pugnam pro ciuibus: adde  
Flaminiū (poterit meminisse Bononia) martem.



Ipse quoq; a gallis magnos sortitus honores  
Militiam sub rege diu tractauit et arma.  
Quis canat assumptos olim pro rege labores  
Quē modo fata p̄mūt? quis parthenopea p̄ arua  
Flagrantes referat pugnas? mille oppida mille  
Terruit excelsis positas in montibus arces  
Postq̄ sidereo moriens Alfonsus olym̄po  
Claruit: et magno cœlum reperiuit honore:  
Arnus et alphæ meminerunt humida Pīsa  
Moenia cum patrio missus de lictore miles  
Daunius in tuscos magno ruit agmine campos.  
Scit quibus immensum traiecit pontibus amnem  
Luca uetus qualesq; dedit tuba martia cantus  
Scit ueteris Lunæ tractus nymphæq; marinæ.  
Cum ducis anguigeri frygio caput abdidit orco  
Vltrici mors acta manu cum plurima creuit  
Seditio fortuna grauem meditata Roberto  
Perniciem uirtute nouos abigente tumultus  
Et fraudes reregnante deo delusa retraxit  
Lora dolens: gemuitq; dolos exire latentes  
Bis patriæ laturus opem: bis pulsus iniquo  
Sidere: uirtuti saltem satis undiq; factum est.  
Sēper habet uentos placidū quibus excites æquor  
Æolus: et nautis cursus fortuna secundos  
Inuidet: et crebrum ferit alta cœcunia fulmen.



Sed magis excelsa patuit solertia mentis  
Cum seruale iugum Genue contriuit et urbem  
Egregiam lygurum terra pelagoq; potentem  
In pacem antiquam libertatemq; reduxit  
Quam tamen ante graui patriæ subiecerat astu,  
Hoc orbis miratur opus: superare uidetur  
Id facinus tam grande fidem: sed uidimus ipsi:  
Nec tantum liuor poris est abscondere lumen  
Classica et armorum strepitus et cornua rauco  
Irritata sono contortaq; sulfure saxa  
Audiuere procul Cyrne Sardoaq; tellus.  
Sicut ubi augustus celsa sub Leucade uictor  
Agmina disiecit phario crepitantia sistro.  
Non animis tantum fabios ualuisse trecentos  
Qui patriæ uallum se se fecere: suoq;  
Corpore clauserunt aditus hostilibus armis  
Crediderim: nec te cōbusto Sceuola trunco.  
Cum furor Ausoniam nuper mauortius omnem  
Subuertisset: opes ueneta fessumq; lababat  
Imperium: uires italæ concordibus armis  
In uenerum magnos simul exciungere tumultus!  
Arma uiros fractasq; padus sub gurgite lato  
Voluit adhuc classes: et adhuc tinnitibus aures  
Ferrariæ tantis resonant calcata paludum  
Stagna quibus uix ante fuit uia piscibus: altos



Sub quibus irato nabat padus æquiore pontes  
Nec laudare satis possum: nec credere quæq;  
Possere reor nisi qui tantis interfuit ausis.  
Non melius rhenum caesar Rhodanumq; sonantē  
Edomuit: rapidum non sic augustus Araxem  
Ferre iugum docuit: ripisq; adiungere ripas.  
Heu quantos lucris illis quot saeva diebus  
Funera sollicita: rapto pro pignore matres  
Accepere: ferunt athesi per rura cruentum  
Ipse diu ripis toto moerentibus anno  
Mintius accepta uariavit caede colorem:  
Sanguineumq; bibit mixto cum puluere rorem.  
Solus martis onus tanti furia: Robertus  
Sustinuit: solus tantos compescuit ignes.  
Nec tantum Cocles nec tantum Curtius umq;  
Moliri potuit. ueteres sua secula laudent  
Nostra suis etiam non sunt fraudanda trophæis.  
Hic quādoq; moras Fabii quādoq; furorem  
Caesareum simulans uario stratagemate uictor  
Italiam sese ingenti prefecit honore:  
Communemq; hostes ipsi fecere magistrum  
Militiae nec eos puduit discedere ab armis:  
Et pacem petere et palmam prebere Roberto  
Credimus officiis olim longæua datuos.



Signa triumphalem uenetos ingentibus arcum  
Nam penes hos uiuit priscae uirtutis imago  
Et ueteres aquant regnis crescentibus annos.  
At nunc romanas arces gentisque latinae  
Regna quibus quondam totus non obstitit orbis:  
Et uiolata sacri deffendit iura senatus.  
Vultorem hunc omnes assertoremque salutis  
Asciueret suae .populi quos Brucia tellus  
Quos garganus alit Marsi fortesque sabini.  
Et locri quos ut fama est inuisa tyrannis  
Compulit indignam bellis auertere sortem.  
Et diomedei ciues Dauniq; nepotes:  
Lucani calabriq; omnes: atq; hernica saxa  
Vno omnes clamore uocant: unoque Robertum  
Ore petunt: altis praeruptae collibus arces  
Auxilium uento explicitis insignibus orant.  
Ipse per hostiles latii modo fulminat agros  
Parthenopem cumasque petens. Cataphratta sequunt  
Agmina. iam Clanium magnus iam pulsat acerras  
Clangor: et ingenti trepidat campania motu.  
I. decus Italiae tantoque accinge labori:  
Praeteritisque nouam meritis hanc aduice laudem.  
Quam delere sequens annis labentibus aras  
Nulla queat: quae coelo ipso scribatur et astris  
Parce tamen miseris: nec te fortuna superbum



Efficiat: casu uirtus dominetur in omni.  
Sed quibus antiquæ laudis te heroibus æquem  
Ausoniæ custos et sæui gloria martis  
Nescio. nam paucos horum lyncæra coronat  
Fama uel unicolor probitas sed crimine uirtus  
Multotiens offensa cadit: mutatq; colorem  
Virgineum. ceu cum terzenam Cynthia nubem  
Intrat: et ammisso perdit sua lumina phœbo.  
Cæsar ut edomito laudem feliciter orbe  
Sic meruit summum uiolata turpiter urbe  
Dedecus: atq; fauis taxos iniecit amaras  
Adde q; e magni templo iouis impius aurum  
Sustulit: et patrio maculauit sanguine dextram.  
Tu uero patriam seruas: limenq; paternum  
Exulibus reddis quos non sententia legum  
Sed liuore furor tinctus fugat herculis instar  
Ad commune bonum genitus. Tu templa deūq;  
Eximis oneras donis. labentia multo  
Restituisti delubra situ. tua dextera nulla  
Cade madet. fuluumq; tibi non impat aurum:  
Hanibali uero clades preconia nostræ  
Magna ferunt. sed fœmineis qui uicerat omnes  
Vincitur illecebris: partosq; offuscat honores.  
At tu blandicis rigidum muliebribus ensē  
Et celeres preponis equos: ignaua perosus



Ocia continuis robur sudoribus auge.  
Sed neq; tu libycā mihi sub pectore claudis  
Perfidiam: Tu namq; fidem tu fœdera seruas.  
Decolor emathii regis canit India nomen:  
Perpetuum: sensit celebrem Taprobana famam.  
Terra iacens noctes ubi sol facit igneus æquas.  
Sed tamen ille graui quotiens erat excitus ira.  
Lata cruentabat turpi conuiuia cæde:  
Atq; furens aliquem comitum mucrone petebat.  
At tua tam grauib; non æstuat ira procellis.  
Nam subitos innata premit prudentia motus:  
Et cito fideream spargit clementia frontem.  
Vnus adest cui te similem tua lactea uirtus  
Efficit: et nulli probitas obnoxia culpæ.  
Scypio: qui tanto felix cognomine nunq̃.  
Criminis illustres maculauit labe triumphos.  
Fama facit uos una pares. uos unus honesti  
Iusticiæ uos unus amor: par cura pudoris.  
Vna gubernandi celebrat solertia martis.  
Adde q̃ ille mori pauper q̃ uiuere avarus  
Maluit: abiectis opibus seruiuit honori:  
Mancipium uirtutis erat: quæ summa putatur  
Solaq; libertas: sunt uincula ferrea mores  
Indomiti: mentesq; iugo scelus arcet iniquo.  
Te quoq; Pompeio patriæ pietatis et æqui



Suadet honor cōferre: uetat graue funëris omen.  
Si te militia plures et rebus agendis  
Aequiperant prisci lectis annalibus æui  
Religione parem tibi non offendimus ullum.  
Tu mare tu siculos fluctus et limen Acestæ  
Alcinoiq; domos regnum phæacis Olyssi  
Phœbeam tu naue Rhodon petis atq; Cythera  
Carpathio prætentâ mari per saxa saxa  
Tristis ubi Andromade mōstris obiecta marinis  
Fleuit: et æquoreo Christi præsepia cursu  
Quæris ut horrendi uideas caua saxa sepulchri.  
Nec contentus eo Nilum et memphitica regna  
Transis: et immites arabum progressus ad oras  
In iuga uenisti longo panchæa labore.  
Cinnama per campos illic et tura leguntur:  
Illa niger Nabatheus arat felicia rura  
Et legir ex multa spirantes arbore sucos:  
Mox iter ad sancti prærupta cacumina montis  
Vertis ubi duro stilantes marmore guttæ  
Diuinum testantur opus: quia languida morbos  
Membra fugant attacta graues. hinc uirginis ingens  
Gloria cyprigena totum uulgatur in orbem.  
Te maris et terræ fecere pericula sacrum  
Hoc iter iste labor summo te ascripsit olympos:  
Nec finit hostiles in te sæuire cateruas.



Quare age romuleos dux fortunate penates  
Et larias tutare domos: succurre tuorum  
Casibus: et miseros siculis a finibus audi.  
Vt postq̃ domito florens uictoria regno  
Te reducem nobis dederit cum laude triumphū  
Accipiens curru uenias inuectus et auro  
Splendidus. et nireos uideas sudare iugales  
Axe sub aurato sparsis cādentibus alta  
Circum colla iubis gressusq; audere superbos  
Sed frenis parere tamen legemq; magistri  
Composito seruare gradu. Descendet ab alto  
Limine solenni pompa plēbisq; patrūq;  
Cinctus et albeni gradiens in uestre sacerdos  
Maximus immēso magnum decus addet honori.  
Nec tarpea tibi rupes sed summa petentur  
Limina sidereo posuit quæ Roma ronanti  
Clauigeroq; patri: uentis ubi cymba secundis  
Nauiat in rutos spumosa per æquora portus.  
Roma coronatos passim per compita funes  
Ducet et extenso claudet uelamine cælum  
Per celebres aulaꝝ uias suspendet: et omnis  
Vicus odorato late spirabit amomo.  
Tum tuba pacificos cantus alternatq; reddet  
Carmina partitis uicibus tunc tibia dulces  
Ad numeros inflabit ebur: totoq; sonabunt



Aethere plaudentes populi fontis omnibus idem  
Latitæ confusus erit ruet undiq; magnum  
Multisonæ pelagus turbæ: tibi gestiet omne  
Limen: et ex alto spectabunt culmine matres.  
In uultus conuersa tuos suspensa manebit  
Roma diu. talem prisci uidere triumphum  
Paulus ubi antiquos macedû populatus honore  
Alta catenatum tulit in capitolia regem.  
Sic precor has olim liceat mihi cernere pompas  
Et cantare tuas maiori carmine laudes.  
Nos tibi uiuenti tantos debemus honores  
Sed uitæ maiora manent te dona futura.  
Quæ dum flagranti cuperem cognoscere uoto  
Orassemq; diu superos arisq; dedissem  
Candida cum gemitu lucentibus orgia flammis  
Ipsa nec ambiguis tandem monstrata figuris  
Et miro sunt uisa modo: dum palladis humor  
Pasceret ardentem lychnum suspensa tenebam  
In multam uigilans noctem uix lumina somno  
Aspergente graues lætheo flumine sensus.  
Siue sopor seu mens excessu capta profundo  
Egerit hoc tolli in magnam sum uisus olympi  
Sublimemq; dei patriam: quo nubila nostram  
Nulla ferunt noctem. coelestri lumine uirgo  
Circumfusa caput sacrum: frontemq; serenam:



Cui fulgens insigne rotæ. cui lucida nubes  
Ex humeris prolapsa pedes currebat in imos.  
Multimodisq; fluens sinibus crispabat amictum  
Qualem nulla potest hominum solertia filo  
Texere nec uiuos imitans pictura colores  
Fingere. dux erat ista mihi: duxiq; per orbem  
Aethereos magni monstrans miracula mundi.  
Dum procul a terris quantum se tollit in altum  
Pelion aut magni uertex sublimis olympi  
Per tenebras noctis mediumq; per aera nobis  
Esset iter quædam pallenti corpore formæ  
Ora quibus succensa: leues in tergore pennæ.  
Vnguibus harpyis similes sine uoce leuarunt  
Ingentes alas: rapidoq; abiire uolatu.  
Sicut cum magno pascentes agmine corui  
Si subito uenator adest nigrantia tollunt  
Brachia: et extento fugiunt per inania collo:  
Territus heu quænam uirgo teterrima dixi  
Turmatim uolitant tenues simulacra per auras  
Hec referens ibam: lateri confertus et armo  
Virginis ut pauidi latitant sub matribus agni  
Cum truculenta feri uidere lycaonis ora.  
Tum uirgo. duce me nulla formidine pectus  
Frigeat. hæc nostro fugiunt exterrita uuln  
Agmina. Sunt animi tristes quos expulit olim



Sedicio primæna: tenent hanc æris oram  
Perpetuo damnata gelu tenebrosaq; regna.  
Hæc loca sunt ubi Vulcani longa uia uetustas  
Credidit arma ioui trifidūq; excudere fulmen.  
Hic notus hic boreas habitant: hic horrida grādo  
Hic sonat horrendum tonitru: nubescq; per atras  
Fluctuat: hinc ibres: hinc nix hyberna per alpes  
Expuitur gelidoq; solum circumdat amictu.  
Pars terræ uicina magis canente pruina  
Et lachrymis uitrei roris stillantibus humet.  
Altior hic per quem ferimus uestigia tractus  
Aeris ætheræ sentit contagia flāmæ  
Ardescitq; magis stellis sorbentibus istuc  
Ex ima tellure uapor sublatus ab igni  
Corripitur, uariosq; facit splendere Cometas.  
Hic bolides: longaq; trabes: Xiphiaq;: Dociaq;  
Hic pagon crinesq; micant: et acontius ardor  
Atq; alii sicut diuersi uultibus ignes  
Sic quoq; diuersa sortiti nomina uoce.  
His deus ingentes rerum predicere motus  
Venturosq; solet terris portendere casus.  
Sicut preterito chalabros cum terruit anno  
Fulgor: et ignitis ardens mucronibus astrum.  
Mox proferre caput tanti cœpere tumultus.  
Et teretes aiare tūbas: bellumq; per omnem



Aufoniam: et latium Thibris potare cithorem.

Tunc ego per rapidos uirgo mihi transitus ignes

Esse potest impune: leues si corpora flammæ

Sic terrena cremant: uirgo rarissima dixit

Flamma nec exurit nec dissipat ore tenebras

Ni congesta uoret terrenæ pabula molis.

Ast ubi siccato uires in corpore traxit

Vrit: et illustrem uestitur lumine uultum.

Hæc ait: et celeri flammam tranare meatu

Cœpimus, at postquæ raros superauimus ignes

Constitit. et summo terras monstrauit ab axe

Sic memorans. Campos humiles pontuq; liquetẽ

Despice conuerso regna ad mortalia uultu.

Aspice quæ breuibus spatiis humana coegit

Tecta deus. terram pelagus pene occupat omnẽ

Aequorei spaciola greges maioraq; longe.

Regna tenent. in claustra homines ægusta redacti

Tã magnos agitãt tam paruo in pectore fluctus.

Illic tota iacet quam si quis sanguine fuso

Sortitur bene credit emi peritura diebus

Gloria uenturis. Romæ quam totus honorat

Orbis ad extremos nomen non transmeat ortus.

Illis tot cædes hominum tot funera campis

Tot lachrymæ tot uoce sonant suspiria tristi.

Si genus humanum saperet: nec inertia tantum

B. i.



Illecebris captum uitæq; fugacibus annis  
Corpora curaret. labentia regna lutumq;  
Casurasq; habitare domos et uille pueret.  
Hospiciū quod cuncta sinu cœliq; marisq;  
Purgamenta legit: tristes ubi sidera casus.  
Assiduasq; pluunt infesto lumine mortes.  
Cerne ait: et raras intercurrentibus undis  
Monstrabat terræ maculas: et euntia circum  
Aequora: quæ multis supereminet undiq; tellus.  
Orbis: in plures populos diuisa: genusq;  
Multimodum: stygiis etiam sub manibus inquit.  
Esse domos: quæ cum nos aere somnus opaco  
Sopit habent phœbi radios passimq; per urbes  
Exercent operas ciues per rura coloni.  
Nos illis homines tantum quæ uidimus ipsi.  
Credimus esse locis sed et hi qui tartara subter  
Arua colunt uestras inquit sub fluctibus altis  
Nare putant terras: illis contraria certe  
Sed nō alta magis semper uestigia ferris:  
Nam neq; uos illis illos neu credite uobis  
Esse superpositos: Spatiis æqualibus æther  
Vndiq; circūfert immotis axibus astra.  
Nec pars una iacens infra pars altera supra.  
Vndiq; terra subest cœlo: cœlum undiq; sursum.  
Aspice iam curūum triuix. superauius orbem.



Ipſa ſub humenti modo fert uestigia cancro:  
Iam terras rerabit aquis: iam nubila coget.  
Vix ea finierat: ſubito conſpeximus atram  
E pelago nubem tolli: mox frigidus aer  
Intonuit uentis et tempeſtate ſonora.  
Viſa prius cœca latuit calligine tellus.  
Altius apprehenſo me preuia traxit amictu.  
Hic ſonus: hic ingens moto concentus olympto:  
Et procul audite mira dulcedine uoces  
Lataq; ſuſpenſam rapuerunt carmina mentem.  
Tum mihi dux tolle arrectis os auribus: iſto  
Perpetuum præſentia deo modulamine cœlum  
Reddit: et æterna concordant ſidera laude.  
Nullus ibi fato locus eſt triſtiue ſenectæ  
Hoc cœleſte melos annis mordacibus obſtrans  
Effugat ex ſanguine rugas: hæc tanta uoluptas  
Non ſubiit mentes hominum non impulit aures.  
Hi ſunt æthereæ campi regionis: ad ortum  
Verte acies: clarosq; uide terræ immemor orbes.  
Aſpice quàm claro graditur Cyllenius ore  
Qui minor apparet uobis: iam ſurgit: et ipſum  
Iam ſeres indiç uident. Quis lucidus inq;  
Ille nitor: cui ſe croceis aurora capillis  
Copulat. et tenui luſtrat iam lumine terras?  
Quam lato ſplendore micat: q̃ grata uenustas



Ore sedet tremulam dum spargit in æquora lucē  
Emicat et pulchro gaudet sub sidere pontus.  
Hæc uenus est iquit mea dux hæc flāma benignū  
Porrigit in terras clementi luce fauorem.  
Et nunc herbiferis rorem disseminat agris:  
Nunc aperit flores d. pastaq; gramina campis  
Restituit: tenuesq; pluit per pascua nimbos.  
Cur fugit in calpen dixi cur fluctibus altis  
Fertur ad occasum pelagus: nec pellitur euro?  
Luna uehit secum pelagus respondit et orbe  
Iam cadit ex alto: latius iam occidet oris.  
Et remeare fretum: retroq; impellere magnam  
Cum sonitu molem undarum spumamq; uidebis  
Vorticibus ferri rapidis et currere in ortum.  
Rarus enim pulsus claret iam nubibus aer.  
Lunaq; per claram diffundit lumina noctem  
Terminus hic tenebris: sterilem nō altius umbrā  
Terra leuat: nigras circūfert pallida uultus  
Oraq; perpetuo refugit titania gyro.  
Et modo sub pedibus suprema cacumina nostris  
Erigit: et medio terras nox humida cursu  
Iam tenet: eoos surgens aurora colonos  
Excitat: et lucem cantu prenuunciat ales.  
Hesperii cœnas ineunt: ipsiq; britanni  
Pinguibus incipiunt hilares accumbere mensis.



Aspice q̄ lato sol circumplectitur ore  
Oceanum terræq; solum: fugit undiq; lato  
Margine: sed primos iam latior exit ad ortus.  
Qui mundi nesciret opus succensa putaret  
Aequora et ingenti Neptunum ardere camino.  
Lumen ab occasu sensim submittit in ortum  
Auroram ueneremq; sequens. Quæ icendia dixi  
Tanta procul uideo flammis ardere cruentis  
Ille inquit Mars est astrum crudele nocensq;  
Terrigenis semper morbos et bella minatur.  
Iste per ausoniam bellis ardentibus omnem  
Saxit: et indomito ciet undiq; bella furore.  
Quod nisi nos diui quibus hæc mortalia credit  
Regna pater ferremus opem: dudum itala tellus  
Heu. miseræ cedis grandes ploraret acervos.  
Sed mihi magna mei cura est studiumq; Roberti.  
Quotidie bellis illi comes omnibus adsum:  
Et cui non possum uulnus prohibere salutem  
Restituo: deus ista mex dat munera curæ.  
Et modo mortali furiosa per agmina uultu  
Nunc nebulis inclusa feror: duco atq; reduco  
Incolumem. Nuper stigh de faucibus orci  
Illius egregiam sobolem cui martius ardor  
Ignifera glandis malas traiecit et ora  
Eripuit: medicalq; manus et pinguis oliui



Pharmacō applicui q̄ adhuc mea marmora sudāt  
Iam sua ligna Charon gaudens ex æquore nigro  
Appulerat ripa: contoq; innixus acerno  
Expectabat hians miseram tristemq; rapinam  
Suspice pacificos ignes placidumq; nitorem  
Iupiter est depone metus. affabile sidus  
Et sacrum uenerare iubar. fulmenq; trifulcum  
Neu metuas: alios clemens hic mitigat ignes.  
Quāuis tantus eat: tantoq; effulgeat ore  
Si tamen accedas placidis te colliget ulnis  
Sed caue uulnificam falcem sidusq; malignum  
Quod pallereuides tristiq; albescere plumbo.  
Hac uia sit: mœstiq; senis ne sidera tangas.  
Venimus in campos flammis ubi millibus æther  
Ardet et obliquo fulgent animalia circo  
In boream conuersa caput. Quur sidera dixi  
Clara micant? quis tot cœlum fulgoribus implet?  
Dantne uel accipiunt ignes aliunde coruscos?  
Dixit ad hæc uirgo. cœlis essentia simplex  
Densior est ignis: flamma quoq; densior aer  
Aere neptunus. cæco iacet infima fundo  
Terra humiles sortita locos: ubi densior orbis  
Sole repercussio splendor uibratur: et astrum  
Dicitur. at rari penetrantur lumine tractus:  
Non abeunt retro radii. Qua plurima iunctis

Limitibus coeunt in eodem sidera limbo  
Lacteus efficitur circus: qua lactea fingunt  
Vbera iunonis tortos fluxisse per arcus.  
Prospice. iam toto pontum sol deserit orbe  
Et cum sole caper recto se tramite tollens  
Surgit: et ex undis cornu procul erigit altum.  
Autonia iam prima dies: iam summa relucet  
Culmina gargani: iam lux discriminat agros.

Vis mouet hos orbes uirgo: quis tēperat inq̃  
Tantæ molis iter: campis ego semper ab imis  
Suspiciens tanti motus cognoscere causas  
Iam pridem uolui. tales dedit illa loquelas.  
Aethereæ mentes quæ corpora nulla nec artus  
Accipiunt magni uisu subiere tonantis  
Munus id: a prima cum fluxit origine mundus.  
Nec labor est illis labor hic sed summa uoluptas.  
Cernis ubi phoebus summum iam porrigit orbē  
Perpetuae sedes animis motricibus illic.  
Sed propera. niuei uidet aurea cornua tauri  
Præcipiti sub fronte hyades a clune coruscant.  
Pleiades uernæ. Nobis iam circulus alter  
Scanditur. hunc alius curuato limine cingit  
Signifer: aut nulla pingunt animalia formæ:  
Nec uarios usq̃ stellarum suscipit ignes.  
Lucet. n. glaciemq; refert utrumq; colore:

B. iiii.



Cryſtalliꝑ tenet nítidos cum nomine uultus.  
Hinc ſua cœleſtes ſumunt exordia motus  
Hic alios ſecum magno molimine uoluens  
Raptat: et in boream lentis declinat ab auctro  
Paſſibus: et retro ſua per uestigia fertur.  
Vltima iam nobis regio flammantis olympi  
Panditur. et ſummi monſtrat ſe regia cœli.  
Suspice non ſolis radios non ſideris ignes  
Sed totum flammis circumlambentibus orbem  
Surgere in immenſam tam uasta incendia lucem.  
Obſtupui: ſanguis uenas et anhelitus ora  
Deſeruit. ſi tot quot ſunt modo ſidera cœlo  
Conueniant ſoles magno par lumen olympo  
Non pariēt: tantum mortalia lumina cōtra  
Non potuere iubar tolli: Contagia uirgo  
Corporeæ molis dixit tua pectora tardant  
Et fragiles ebetant ſenſus: ubi liqueris artus  
Nō ferret hæc ingens ullum tibi flamma pauorē:  
Pone metus: aude tantos te inferre per ignes  
Fide mihi. illæſum ſummo te culmine ſiſtam.  
Hæc ait: et celſam ſubito me traxit in arcem.  
Hic pater immenſes regiō latiffima campis  
Pluſq̃ noſter eat uiſus. ſi dicere fas eſt  
Fine caret. tellus ipſi collata ſepulchrum eſt.  
Et cœco ſpelunca ſinu: quam lubricus humor

Et cœnosa palus diro contrisferet odore.  
Nil maius naturapoteſt: dū conderet orbē  
Hic regni caput hic mundi deus eſſe cacumen  
Inf tituit: ſpaciū fulgor per mane uagatur  
Quātum non oculis q̄tū nec mente uidemus.  
Dux oculos defixa ſolo paulumq; morata  
Cerne ait: agnoſco magni ueſtigia Pauli.  
Hoc olim ſtetit ille loco: cum lumine captus  
Depoſuit ſæuum uirus: ſquammamq; draconis  
Exiit: hac iter eſt ad noſtri limina regis.  
Accelera. latus illos procul aſpice campis  
Innumeros hominum cœtus per florea prata  
Ferre coronatas uario diademate frontes.  
Et fulgere togas auro gemmiſq; coruſcas  
Scintillare manus. hilariq; incadere uultu?  
Hi ſunt purpurei reges qui ſacra deumq;  
Præpoſuere opibus: quos deteſtanda libido  
Imperii non crudeles non fecit auaros.  
Si tamen aut turpes maculas poſt fata tulere  
Aut iniucundum terrenæ fecis odorem  
Sub ſtygiis lauere uadis: nam flumina quinq;  
Has ſclerum labes et regna chatartica ſoluunt.  
Ille ferens mitem toto prior agmine uultum  
Imperii quondam partem romanaq; regna  
Viuus adhuc ceſſit Chriſto: generiq; futuro.



Propterea deus hæc illi latissima regna  
Et toto maiora solo concessit. et ipsum  
Regibus his prefecit: eunt spacioſa per arua  
Maxima cum dulci miſcentes gaudia riſu.  
Ecce gradus in nos omnes et lumina uertunt.  
Accelerant: Tantos uniꝰ non uidit honores  
Roma potens: Viden ad leuam qui lumine claro  
Regales prefert animos. hic parthenopeus  
Nuper tenario ueniens Alfonſus ab orco.  
Magnanimæ ſaluate animæ: ſaluate magiſtri.  
Bellorum quondam: quos et terrenus honorat  
Orbis adhuc: tantæ ne meo preſtare coronæ  
Obſequio quicq̃ potero? ſermonibus iſtis  
Compellauit eos uirgo: Tum parthenopeus  
Curuato cum fronte genu ſic ora reſoluit.  
Aetherei ſplendor rutilans et magna ſenatus  
Gloria cœleſtis patriæ quæ limen emiſi  
Sanguine: cui digitos deus et caput obligat auro.  
Cui uiuens addictus eram. parere parati  
Venimus: ut dignos meritis reddamus honores.  
Sed tamē hic noſtros q̃ſnā nouus aduena campos  
Tecum adiit? uiuis ne patent empyreæ regna?  
Tum ſic orſa loqui uirgo. Rex maxime quondā  
Magnanimiq̃ ſator regis: niſi noxia primus  
Mala parens fregiſſet. erant hæc peruia uiuis.

Regna. sed infelix legem scelus attulit istam:  
Attamen omnipotens cui uult pater atria pandit:  
Nec leges aditus omnis claufere: nec ipsum  
Latorem uincire queunt. De limine pulchræ  
Venimus italiæ: magnos ubi sæua tumultus  
Arma parant. uexatq; tuos fors dura nepotes.  
Namq; tui proceres regni communibus armis  
Dum mutare iugum longoq; exire laborant  
Seruitio. bello illustrem duxere Robertum  
Littore de ueneto. Sors est incerta futuri.  
Sic mea dux: heros animo non pertulit agro  
Sed placido sic ore sonat. Nos æquora quondam  
Vertimus et miseras nimitum uexauimus urbes.  
Pœnituit: poenasq; dedi. Phlegetonte sub alto  
Arsimus: et longos ignem portauimus annos  
Scit qui uinctus erat lateri Franciscus eodem  
Sforza supplicio quotiens plorauimus una  
Blandimenta. dolos. furias et plurima uitæ  
Crimina preterita. sed nos clementia patris  
Atq; tuæ iuuere preces: me nulla cupido  
Sollicitat regni: tales cum corpore curas  
Exuimus. certent ipsi uideantq; nepotes  
Quid leges et iura uelint. ardentia manes  
Expectant quos precipites in tartara mittant:  
Quos in uincla ferant: cui ferrea uerbera possint



Intentare truci instantes crudeliter ore.  
Viderit hæc cui flamma potest ea sæua nocere.  
O utinam q̄tas regni mea pignora curas  
Iusticiæ tantas habeant: tum firma manerent  
Sceptra: nec infesto resonarent classica cantu.  
Sed regni iactura minor: pietatis et æqui  
Maxima. diuitias aufert et regna uetustas  
At uirtus æterna manet: sequiturq; sepultos.  
Bella gerant ipsi: uincant quibus ætheris alti  
Fauerit iperium. generi meliora rogabo  
Fata meo: sortemq; ferant patientius omnem.  
Sic ait: et comites nutu assensere loquenti.  
Tum mea cæsaream uertens in lumina frontem  
Sforzia progenies pacem Franciscus et arma  
Doctus: et illustres inter uirtutis alumnos  
Inferior nulli dixit Cum ueneris illuc  
Quisquis es ad nostrum qui tam feliciter orbem  
Aduenis insignē iubeas saluere Rōhertū:  
Ille mei splendor generis: tantoq; nepote  
Lator adhuc. uidi casus uidi illius omnem  
Fortunam miserans: sortem iā uicit acerbam.  
Et potuit grauib; fatis obsistere uirtus.  
Ille meos priscum non aspernatus amorem  
Seruet ut ante meis gereret cum strenuus arma  
Auspiciis dulces mecum dum uiueret annos.

Vivat: et huc animi curas iam porrigat omnes.  
Sic ait: et uersis ibat iam passibus agmen.  
Cumq; recedentem coniecto lumine turbam  
Prosequor admirans uiden hūc cui plurima mēto  
Canicies dixit Virgo? bizantia sceptrā  
Gessit et immensas tulit in compendia leges:  
Iustini genus egregium: Theodosius illi  
Iungitur: et dextro leuum latus applicat armō  
Qui sequitur Traianus erat: quem traxit ab ūdis  
Tartareis magni deus ad suspiria uersus  
Gregorii tantum pietas seruataq; semper  
Iura ualent. hi quos hederis lauroq; uirentes  
Cernis idumæa signari pectora fronde  
Godfridus Calipha domitor qui regna recepit  
Usurpata diu: solimasq; ascendit in arces  
Turbinē cum magno. Veneri dūcis inclyta proles  
Et sacer in tanto primos Adamurus honores  
Agmine sortitus. nitidis Boemundus in armis  
Clarus adhuc. Vgo magnus: geminiq; Roberti.  
Hi simul adiunctis cōiēre in pralia castris  
Per Nicomedis agros opulentaq; regna Niceæ.  
Percp̄ lycaonios adierunt: Reblata campos  
Reblata quæ primos Petro concessit honores  
Anthiochi cum iam muros et nomen haberet  
Cappadoces. Tyriasq; domos Sidona potentem.



Sub christi misere iugum: Si uicerit hostem: 114  
Sceptraq; Parthenopis parens coegerit: ubi: 115  
Romule: longi cum meta reuertent: huius: 116  
Hac in regna feram tota cum prole Robertum: 117  
Diuorumq; choris addam: gaudebit: et alto: 118  
Corde redundantem diffundet in ora uoluptas: 119  
Laticiam: cum se circum sua pignora cernet: 120  
Ire per elysium: terras oblitus habebit: 121  
Castra per aeternas gradiens: heroica laudes: 122  
Dixerat. his paucis ego longa silentia rupi: 123  
Pande mihi nisi scire nefas ubi rector olympi: 124  
Quosue lares habitare solet: nam credimus ipsi: 125  
His altis errare locis: caelumq; tenere tamul: 126  
Dux mea subridens: supra deus inquit et infra: 127  
Aethereos orbes habitat: sub sole sub aura: 128  
Sub tellure latent: sub chite: sub aequoris unda: 129  
Omnia plena deo: nam sicut tota per artus: 130  
Corporeos mens una subit: sic unus in una: 131  
Mundi mole deus: mundo tamen amplior ipso: 132  
Tendit in immensum: nulloq; includitur arcu: 133  
Sphæra deus uiuens: centri tumor occupat omne: 134  
Curuatura locum nescit: defluxit ab ipso: 135  
Orbis: et in magno quicquid concluditur orbes: 136  
Nec durare potest quicq; nisi porrigat ipse: 137  
Auxiliatricem clementi numine dextram: 138

Vna tribus uirtus unum tria numina numen.  
Hæc nouisse satis: debent arcana taceri.  
Iam christi natalis adest: cœlestia magnos  
Agmina conuentus celebrant: discedere tempus.  
Tunc ego: Mene graues iterū descēdere ad ūbras  
Mene domos iterum luteas iterumq; labores  
Ferre iubes? ah me tali ne deiice regno  
Dux mea: per superos oro per magna tonantis  
Sceptra: per hos liceat tecum mihi degere campos  
Si mortis me dura uetant: et ferrea iura  
Quid moror? hi fragiles artus in frustra secentur.  
O decor o campi dulces o gloria cœli.  
Quid mirum si ad regna minus terrena reuerti.  
Felices animæ cupiant? Dum talibus oro  
In lachrymis nabant oculi. tepidoq; madebant  
Rore genæ. dulces urebant pectora flammæ.  
Et suauis mœrore labans uix ægra ferebat  
Membra genu: uotisq; diu flagrantibus arsi.  
Tum uirgo. quid si patria tibi tota paterent  
Atria cœlestis? uultu si numen aperto  
Si solium magni uideas atq; ora tonantis?  
Te tua regna uocant: iterum te terra reposcit.  
Hoc spoliū mortale lutum est. mortalia condes  
Membra solo: fecemq; suis cum sordibus istam  
Ante dabis tumulo q̄ cœtera cernere possis



Et nostras habitare domos. Si uilibus inq̃  
Me spoliem membris iter hæc in regna patebit?  
Non ait ætherea nisi quoniam ex arce uocamus  
Huc ueniunt. heu me miserum quem tristitia dixi  
Fata uocant: iterum uentos patiemur et imbres.  
Solicitosq; dies et lamentabilis æui  
Durius exilium: si me tam dulcibus oris  
Elicitis: saltem liceat precipere uitam:  
Mecum oculos pigraque manus et inertia crura  
Ferre sat est. hic singultus hic ipsa relinquam  
Corda: meas istinc saltem ne excludite curas.  
Ibo igitur: totosq; dies in funere ducam.  
Parce metu dixit uirgo. tibi proderit huius  
Lucis amor uidisse finis et limina olympi.  
Te minus interea uitæ contagia lædent  
Mortiferumq; scelus: nec te tua fata grauabunt.  
Et quotiens me cunq; uoles non uoce uocabis:  
Velle sat est. adero. Nosti quos ante fauores  
Præstiterim: posthac magis experiere secundam.  
Hæc ait: et tenuem subito discessit in auram.  
Tunc sopor aut aliud fuerit quodcūq; soporis  
Ora ferens grauib; mihi saucia pectora curis  
Liquit: et amissi damno tristabar olympi.  
Iam superest ut te bellorum maxime ductor  
Admoneam non esse tibi consortia tantæ

Aspernanda domus: facilem tutamq; ministrat  
Hac in regna uiam pietas et sacra nitenti  
Religio uestita fide: cultuq; frequenti  
Dona deo diuisq; omnes congesta per aras.  
Hoc quoq; non nostri tantum docuere priores  
Qui Christi lauere suos in flumine crines:  
Verum etiam qui uana sacris idola profanis  
Et fragiles coluere deos. Post cimbrica bella  
Barbaricus templum .spoliis predamq; recenti  
Struxit: et oprato Marius sacrauit honori  
Bacchus ut eos uictor penetrauit ad indos  
Primitias preda superis et magna dicauit  
Dona Ioui: prisci frondes in templa ferebant.  
Primus hic et spoliis aras cumulauit et auro.  
Scypio cui nomen deuicta Numantia fecit  
Templa dedit superum patri: Marcellus eidem  
Gallorum ducis exuias. Agrippa superbis  
Porticibus: grandiq; deos testudine clausit.  
Innocua paci molem rex Flauius altam  
Tullus ab albanis rediens saturnia templa  
Condidit. at Scaturus mentri: post arma Camillus  
Gallica delubrum fama. Sed maximus omnes  
Constantinus auos uicit: tot templa per urbem  
Tot templis sacrauit opes: uasa aurea :gemmas.  
Signa: sacra uestes. Casias et balsama cultris



Marmoreis incisa. crocos. et cinnama ab orbe  
Vecta peregrino. Sic te quem longa coronant  
Proelia: cui summam totiens uictoria laudem  
Præstitit: in superos gratum memoremq; tonantis  
Esse decet. Sicut ueteres iam laudibus æquas  
Militiæ: sic te facias pietate priorem.

FINIS.

Explicit panegyris in Robertum Seuerinatem.

FRATRIS Baptiste Mantuani Carmelitæ theolo-  
gi ad magnificum comitem Andreani Bentiuo-  
lum sexdecimurum Somnium romanum.

AXIME iustitiæ cultor: qui  
m paretur clara parentum illis deusibus  
Facta nouis uitæ meritis et ho-  
noribus auges, et iustis rebus  
Vos quibus est diuum dono concessa potestas.  
Felsinæ gentis patriæq; tenetis habenas.  
Ambiguos rerum casus artemq; dolosæ

Sortis et ingenium fallax deprehendere fas est.  
Ver non una dies non una reducit hirundo  
Sic neque solertes brevis experientia rerum  
Fert animos: uigilans prudentia surgit ab usu  
Multiplici: sicut de mille coloribus iris.  
Hac sine nil tentare boni nihil utile rector  
Consultare potest. æquas prudentia leges  
Et placida pacis mores componit: et omnem  
Militiæ martisq; uiam: parit ipsa triumphos.  
Ipsa giganteas uires prostrauit et altum  
Demolita caput solymo Dauida iacentem  
Sustulit imperio: et regni decorauit honore.  
Propterea a magno tantis Agamemnone curis  
Nestor ab Adrasto uates quem prodidit uxor  
Quæritur: in phrygios astu cordatus Olysses  
Plus potuit q̃ Marte ferox et uiribus Ajax.  
Euentus igitur rerum causasq; tueri  
Atq; uices uarias et cœca pericula sancti  
Est rectoris opus: quo se patriamq; salutem  
Seruet: et ad fragilem ueniat cum laude senectã.  
Id meditans extrema ducem quæ fata Robertum  
Oppressere canam: trepidæq; horrentia noctis  
Somnia lugubrem quæ predixere tumultum.  
Taliter humanas deus ad cœlestia mentes  
Contemplanda uocat: terramq; infestat ut altum



Aethera quæramus: rōne carentia pronò  
Quæ uultu pascuntur humum: mortalia supra  
Nil sperare licet: nobis domus ultima cælum  
Nec minus est dæmens rerum qui in uortice tanto  
Vult requiem q̄ qui i medio putat æquore portū.  
Sed iam mœsta grauem referant insomnia casum.

I Ignamolorchei fugiens accē  
Sub q̄bō occurſū triuix idig  
Palluerat Titan curru pulsabat bello  
Virginis icariæ limen: uersis  
Pronus in autumnum radius: cum  
Nescio quis michi corda premēs et  
Nubibus inuoluens frontem contraxit  
Moestus et ignorans causam moeroris  
Conabar reuocare iocis gaudia sensum.  
Nulla erat ignoto presē  
Multæ dies et multæ dabant  
Quotidie absumptis  
Cordis: et obscuro uultu  
Polluerat uapores egrediens  
Lux ierat: nigrisq̄  
Membra toro posui caras ut somnus inanes  
Pelleret: et mentem requies compesceret ægram  
Turbida imaginibus surgunt insomnia diuis:  
Concuditurq̄ graui gelidum formidine pectus.

Territus exilio: noctemq; tūbramq; silentem  
Horresco aspiciens referansq; cubicula solus  
Egredior memoriq; putans crudelia mente  
Somnia suspicio cœlum flammâq; micantes:  
Atq; malum nostros uerti precor omen in hostes.  
Pallidus obscuro surgebat Iupiter ore:  
Mœstaq; nec solitum referens aurora decorem  
Per nimbose agram fundebat nubila lucem.  
Horrendumq; sonans dextra cum fulgure fulmē  
Intonuit subito: tempestatemq; fragorâ  
Turbidus hyberno boreas uoluebat ab axe.  
Tunc audire uirum uoces lituosq; tubasq;  
Armaq; et hinnitus acres sum uisus. equorum:  
Et graue frigenti murmur ueniebat ab arcto.  
Attonitus quid tanta ferant portenta per auras  
Dum reputo: curis iterum lentoq; sopore  
Opprimor: et tepido cogor dare membra cubili.  
Procubui languens: et mox ut lumina texit  
Matutina quies: umbras incedere tristes  
Aspicio: et quendam canis altoq; uerendum  
Ore senem se se lateri coniungere nostro.  
Ardua frons sed tristis erat: miserandaq; mēto  
Canicies. atro conspersi puluere crines.  
Crispataq; genæ et uisu. caua lumina toruo:  
Qualia cum multas inter suspiria noctes



Egerit: atq; diu somni contabuit expers  
Aeger habet: gelidæ nares: exanguia labra.  
Et facies squallore iacens: confectaq; turpi  
Ora situ: quales lungi post carceris umbram  
Esse solent bello capti: uel tristia quales  
Cum gemitu ueniunt natorum ad busta parêtes.  
Ferreus ambibat lumbos atq; ardua torax  
Pectora. delapso cingebat eburnea ferro  
Armatum uagina latus. signata cruentis  
Ora notis: ambæq; manus et pectus anhellum.  
Talis erat qualem Aenæ se maximus Hector  
Obtulit in somnis: patrios cum flamma penates  
Iam raperet: captamq; dolis iam cerneret urbem.  
Effigies herois erat: qui fortibus armis  
Inter mille uiros pugnans post plurima tandem  
Funera: post cædes hominum dum cædere nescit  
Dum renuit dare terga fugæ: confossus iniquo  
Sidere procubuit super alæ stragis aceros.  
Territus aspectu primo: tandemq; resumtis  
Viribus O tanta qui te sub imagine dixi.  
Nocte refers cælo ne uenis an missus ab orco  
Ille gemens tristi duxit suspiria uoce.  
Atq; oculos misero attollens et brachia gestu  
Ne trepida dixit christi mariæq; sacerdos  
Ille ego quem tantis ornasti laudibus olim.

Mœnia dum peterem cœlo romana sinistro.  
Ille ego qui uiuens gessi tot bella Robertus  
Inter equos inter lituos nutritus et arma:  
Stirpe feuerinas: crudam doctissimus artem  
Militiæ: et casus uadens animosus in omnis.  
Huc mea me uirtus huc me fortuna redegit.  
Magnanimi postq̃ ducis infelicia fata  
Talibus accepi dictis: exorta repente  
Corripuere animum rapidis incendia flammis.  
Et uelut ardenti glacies cum liquitur igne  
In lachrymas fluxere oculi: pronumq; lacertis  
Complectens heroa piis: o maxime dixi  
Militiæ pater ausoniæ: quem bella gerentem  
Barbara contremuit totis germania campis.  
O ueneti tutela soli: gentisq; latinæ  
Præsidium commune malis ne regna paterent  
Itala barbaricis iterum ne Rhenus et ister  
Ausoniæ populentur opes tua pectora uallum  
Inuictis fecisti animis. o æterna tuorum  
Gloria: si mortale potest occumbere corpus  
Immortale manet uenturaq; sæcula nomen  
Vincet: et accipient laudes post funera semper  
Incrementa tuæ: Nostris antiqua diebus  
Te duce surrexit uirtus. o clara potentum  
Sfœrciadum soboles. auris uitalibus ergo

C.iii.



Non frueris: nec uiuis ad huc: cruor isre tuisne  
Fluxit an alterius crudeli iulnere membris:  
Ausane barbaricæ gentis manus impia tantum  
Ille suum dixit finem mea fata tulerunt:  
Et mens coeca prius de tristibus eruta claustris  
Iam uidet æternam fracta caligine lucem.  
Fata dei consueta uoco non ætheris astra:  
Quæ quis aliquas habeant in corpora uires  
Cuncta tamen dominum moderatorq; sequit.  
Et nihil attendant si non uidere tonantem  
Assentire operi: nutuq; fauere secundo.  
Non secus ac ualidis harpe comprehensa lacertis  
Non alio torquet nisi quo manus egerit ictum.  
Tanta hominum generi impietas tã noxia mēs ē  
Vt cœlo dent iura dei quasi cymba per undas  
Sponte sua scopulos fugiat sine lege magistri:  
Et quasi per campum uoluat se biga patentem  
Automedontæ gradiens sine uerbere dextræ.  
Præsidet ut summa uigilans in puppe magister  
Ostenditq; uiam proræ sic solus ab alta  
Sede deus tantæ cursus et pondera molis  
Temperat: ex primæ motu uertiginis: horæ:  
Ex horis nox atq; dies: ex nocte dieq;  
Lunigenæ surgunt menses: ex mensibus anni:  
Lustra et olympiades nemoris de nomine dictæ

Et quæ centuplici uoluuntur sæcula cursu:  
Chiliadesq; cadunt. quarum iam quanta recessit:  
Sexta citis uectata rotis per mane iugales  
Ad medium iam cogit iter: mundi q; senectam  
Ducit: et alterius uitæ prænunciat ortum.  
Hinc hominum deus arates hinc tempora rerum  
Hic spacia hinc uitas animantū et fata gubernat.  
Ipse meos fregit ne sum miser amplius annos:  
Communemq; pius fecit cum manibus oram  
Elysium dixere olim: modo dicitis hortum.  
Sed uos ista latens: At cur si læta recepit  
Te regio dixi placidaq; in pace quiescis  
Ad quam longa piæ mittunt suspiria mentem  
Te modo lugentem misera sub imagine mōstrat?  
Ut genus ostendam mortis respondit: et ipsa  
Vulnere quæ accepi pugnans in Marte supremo.  
Sic quoq; post uictos manes spoliataq; regna  
Ditis ab obscuro christus remeauit auerno.  
Namq; cicatrices manuum laterisq; cruenti  
Rettulit: unde fides omnis titubantibus orta est.  
Tum sua membratim moestus simil: q; dolenti  
Vulnere detexit tepidum sudantia rorem.  
Vnum leua manus qua flectere lora solebat  
Sub iugulo torax unum perfossus et unum  
In subito martis facies acceperat ortu.



Traiectumq; latus iaculo:traiectaq; terga  
Sulfuræ stridore pilæ:crurisq; sinistri  
Truncus iners plumbiq; genu feruore caducum.  
Sed grauius quo uocis iter præcluserat hasta  
Hasta uenenato penetrans caua guttura ferro.  
Dic age dic inq; quando te numina latis  
Accepere locis reducem licet omnia fari:  
Et casus audire tuos extremaq; fata  
Quis furor armorum quæ tanta licentia ferri  
Te rapuit? quæ te curæ tenuere cadentem?  
Cogimur o uates inquit parere:sed urgent  
Auroram titanis equi teq; orgia poscunt  
Sole nouo quibus applaudens lætatur olympus.  
Expediam paucis igitur. Vicina Tridento  
Castra sub alpinis rapidi trans fluminis amnem  
Verticibus qua curua sinu conuallis opaco  
Flectitur:et parua suspectat mœnia Petræ  
Constiterant:uerum obiectu quia montis iniquo  
Vnda per angustas fauces et marmora labens  
Sæpius obstabat nobisq; sæpius acto  
Ponte fuit frernenda uia:et natura locorum  
Inquirenda prius summisq; adeunda periclis  
Barbara gens.et castra solo metanda fideli.  
Vltimus ingenti rerum discrimine nobis  
Pons texendus erat.nouus explorator ad agros

Quæritur hostiles: nostra ad tentoria lecti  
Conuenere duces itala: pudet ædere gentis  
Dedecus: ex tanto heroum meus agmine solus:  
Lucius a patris laribus qui nuper inermis  
Venerat: est ausus dubios inuadere casus.  
Ipse datos igitur comites ortatus et armis  
Strenuus assumptis iter est ingressus: et alta  
Nocte senescentis tacito sub lumine lunæ  
Per latera abrupti scandens asperrima montis  
Præterit positam summis in cotibus arcem:  
Subiectosq; iugo campos intrauit: et oram  
Dum legit: ecce procul telis lucentibus hostes  
Aerea de rupe uolant: nox pallida crebro  
Luminae sintillat resonantq; tonitrua glandes.  
Lucius immotis animis et pectore forti  
Obuius it: bifidoq; petens certamine turbam  
Aedidit horrendam stragem: ripasq; sonantes  
Fluminis et uallem herculeo iam uicerat ausu  
Cum procul audimus uictricem classica cantum  
Aedere: collapsas generi uictoria mentes  
Extulit: extemplo iratæ uada nauibus undæ  
Rupe sub excelsa infensiq; ante ora Bisegni  
Aggredior: trabibus quernis et robore secto  
Fit uia: turmatim pedites equitumq; cateruæ  
Spumantes onerant fluctus: cymbasq; nantes:



Et iam transmissis campis fatalibus amne  
Constiteram uoti compos adituq; reperro  
Latior. heu quotiens ridet fortuna cauendum esse  
Altius: ingentes uoluebam pectore curas.  
Iamq; tridentinas arces thesumq; putabam  
In uenerum misisse manus: Nec uota fuissent  
Irrita: ni fors dira meum aduersata laborem  
Dum sperant tranare acies: exercitus ante  
Quā simul hostiles totus penetrasset i oras:  
Compositum rupisset iter: Disiecta furenti  
Vortice compages pontem submersit: et unda  
Conuulsas rapuit per saxa immania puppes.  
Iamq; dies phœbi radijs accensa calebat:  
Ardentiq; cauam conuallem accenderat æstu.  
Hæc erat illa dies: sæui qua iussa tyranni  
Spuit: et appositum uicit Laurentius ignem  
Omne prostrata mentes et corda meorum  
Contremuere. uident ripis et flumine castra  
In partes diuisa duas: uia nulla relictæ est  
Subsidio: uia nulla fugæ. sic numina cœli  
Sic superi uoluistis. eram de rebus agendis  
Ambiguus: uolui retro uestigia ferre:  
Contractisq; iterum pontem instaurare fasellis.  
Mox noua cura subit: locus amne et mōtibus altis  
Tutus erat: solus gelida refrabat ab arcto

Faucibus angustis aditus: quem claudere fossa  
Præcipiti instituo: subitis ne incursibus hostis  
Aduolet: et pavidō trepidē ne castra tumultu.  
Sed tentare nihil licet aduersantibus astris.  
Ecce procul nimbos et puluerulenta per auras  
Nubila conuolui aspicio attonitumq; reuerti  
Præsidium: et ruptis incustodita relinqui  
Claustra uix ordinib; peditesq; reliquere parmas  
Perniciq; uagos dilabi ad flumina cursu.  
Quis pauor exclamo comites quæ ignauia rātum  
Dedecus hoc infert? hodie uel uincite mecum  
Vel simul oppetite. et uita preponite laudem.  
Non est mos itali uobis dare terga: sed hostem  
Quærere: et in pugnas animis præstantibus ire.  
Hic Marius paruo fortem molimine cimbrum  
Fudit: et ingenti preda ditatus et auro  
Miles ad aulonios scythiæ tulit arma penates.  
Stare. quid ad rapidum morituri accuritis amnē?  
Non est cum superis bellum: mortalia contra  
Pectora mortales pugnant. hunc sapius hostem  
Vicimus. et nostra hæc totiens hausere cruorē  
Barbaricum: tot millia misimus orcho.  
Venimus ad Rheni fines: arcemq; Tridenti  
Cernimus. extremus labor hic. in limine semper  
Acrius est certamen. ubi est de limine pulsum



Præsidium trepido domus exanimata patiore  
Concidit. et cohibet dextras: et porrigit arma.  
Sumite tella uiri: mecumq; in bella redite.  
Hic animis opus est: fluuium superare uel hoste  
Cogimur. hæc nobis est irremeabilis unda:  
Hanc aciem penetrare leue est. ego primus in istud  
Agmen eam: sed uos animos firmate labantes.  
His excita uelut achiri spirantibus auris  
Fax accensa micat uirtus: clypeisq; resumptis  
Se glomerant referuntq; pedem: dant classica cātū  
Terribilem cunctumq; manus complexa trabalem  
Tendere in occursum totis conatibus ardet.  
Iamq; tridentinis ingens de rupibus agmen  
Euomitur: totisq; sonat germania campis.  
Quadrupedant instructæ acies absconditur omnis  
Campus. et obscuris cælum cum nubibus auster  
Sibilat. inspicant cuneos alasq; bifrontes  
Instituunt. longoq; abeunt duo cornua tractū.  
Tergora tensa crepant: tremulis hinnitibus aer  
Clangit: et ignitæ uolitant ut fulmina glandes.  
Corda repentini terrent mortalia casus.  
Præsertim nouitate loci eum nescia turba  
Qua scit iter nescit: positis cum se ūdiq; claudī  
Autumat insidiis: longo me ortantur amici  
Colloquio seruare animas: et parcere ferro.

Tunc ego seu fuerit coeci uolentia fati  
Seu uirtus. quid fœmineis me obrunditis inq̃  
Suppliciis: didici nullo trepidare tumultu  
Martis et armorum. non sum fugiturus: abite  
Quos horrere facit duræ præsentia mortis.  
Hic hodie mihi uicendum uel morte cadendum.  
Hæc ubi dicta ferox adeo certamen. et hostes  
Innumeros contra paucis comitantibus altum  
Cornipedem immitto: fragiles concursibus haste  
Dissiliunt: uolitantq̃ leues per inania trunci.  
Educti radiant tremulis splendoribus enses  
Sintillât galeæ: crebris sonat ictibus aura  
Ut cum dura saltu crepitans per culmina grando.  
Iâq̃ manus et tella rubent: celer omnibus adsum  
Dux et miles opem fessis atq̃ arma ministro  
Huc illucq̃ uolans ut pignore Tigris abacto.  
Et socios acuo uerbis: exaggere nostri  
Trans atefini clamore iuuant: atq̃ irrita mittunt.  
Spicula in aduersum non peruenientia litus:  
Cuntantes in bella uoco. sed segnia uindex  
Corda deus nostris fecit: gelidumq̃ timorem  
Misit in ausonias mentes: imifq̃ medullis  
Torpor inhærebât. soliti superare fugantur  
Italidæ: pauloq̃ meis qui ortatibus ante  
Rettulerant gressum a fluuio mirabile uisu:



Vincere cum possent animas in flumine malone  
Linquere: et ignauo pereunt in gurgite fato.  
Excrucior: coquit impatiens pudor iraque pectus.  
Vix potui retro paucos prece flectere longa.  
Cum quibus obuior telis: iterumque repello  
Teutonicos: et exade graui compescimus hostem.  
Deferor a sociis iterum. solu sequi resisto.  
Vulneror: et iaculis acies me millibus urget.  
Vix elapsus eram medio cum in gurgite uidi  
Difficile impelli cymbam aduersantibus undis.  
Et me sollicito nutu et clamore uocabat  
Portitor: atque istis proprios iam uocibus inquit  
Dux miserande tuo nunquam sine milite uinces.  
Nonne uides: non est tuus hic exercitus. isti  
Auxilii quorum fidis uilissima uulgi  
Congeries non sunt soliti tot spicula ferre:  
Sed iactare cubos: pugnamque laceessere pyrgo.  
Differ: et hac animosa tuis certamina tecum  
Milibus serua: tali me nauita pacto  
Sollicitat: fugiamque grauis fata aspera pugnae  
Supplicat: At paucos comites in Marte reliqui  
Turpe ratus summis iterum me offerre periculis  
Est animo furor et casus tentare supremos.  
Interea largus duplici de uulnere sanguis  
Ibat: et exausta fugiunt cum sanguine uires.

Barbarus ex omni nostros ad flumina campo  
Compulerat: farum duplex et martis et undæ  
Nos p̄mit. o comites dixi quo feruida uirtus  
Quo laudum discessit amor: cur pectora tantos  
Concepere metus: et cur non uincere uultis?  
Nonne hostes quotiens animis et fortibus armis  
Egimus: oppressi bello iacuerere cruento?  
Vndiq; barbarico rubet omnis funere campus  
Nostrorum gladius paucos absumpsit: in undis  
Imbelles misere animas germanicus audet  
Cum nostros trepidare uidet. si uertimus ora  
Si pauci comitentur: agam hoc de margine turbā  
Præcipitem. dictis equites animantur: et hastas  
Corripiunt: galeisq; uolant in p̄lia clausis.  
His adiutus equum stimulis in bella ferocem  
Sollicito: et qua densa magis certamina feruent  
Fulmineo cursu irrumpo. germanica cadunt  
Agmina: caduntur magnis clamoribus hostes  
Turba ruit. crescit strages miseranda uirorum  
Non aliter q̄ cum falcem per gramina curuam  
Messor agit: positæ trunca ceruicibus herbæ  
Procumbunt. alii pedibus calcantur equorum.  
Cornipedum super arma labant uestigia: præceps  
Fertur eques: figitq; truces in puluere conos.  
Sunt qui disrupto manibus fumantia uentre

D. i.



Intestina gerunt. quosdam dum uellere tentant  
Ossibus hærentes hastas notius obruit ictus.  
Impulsu plæbs multa ruit: sub mole cadentum  
Plurima turba perit: clauso nec anhellat hiatu.  
Pulueri lucem inuoluunt et lumina nimbi.  
Attonitæ clamore aures: madet omne cruenta.  
Cade solum: maculatq; fluës cruor arma manusq;  
Arma armis collisa crepant: pelluntq; trahuntq;  
Tela uiri. sæuit maior: et plurima mittit  
Ad miseras lamenta nurus: et nuncia tristes  
Euersura domos desolatura parentes.  
Ardet ut ingrediens tonsos uulcanus in agros  
Cum stipulas uorat arentes: boreæq; iuuatur  
Flatibus: et prono cum se uaga uertice flamma.  
Porriger: et multo depascitur arma fragore.  
Armigerum procul aspicio cui marte furenti  
Sanguineo ualidaq; manu dura arma mouenti.  
Barbara cornipedem chalabrū perfoderat hasta:  
Ipse ibat pedes ære grauis: feror ocyor aura:  
Compelloq; uirum: et iubeo uestigia sistat.  
Dū loquor hostis adē et equo cōtorquet ab alto  
Telum in me frendens: meq; in certamina poscit.  
Congredior: capuloq; tenuis clamantis in ora  
Ensem adigo uitāq; uomens cū sanguine corpus  
Pullat humum: moriensq; cauo singulit hiatu.

Quadrupedem morfu rodentem frena superbo  
Atq; indignantem domino parere latino  
Magnanimo comiti traddo: atq; insuper addo.  
Chare comes uariis mecum iactate periclis  
Tempus adest fatale mihi: mea funera cerno.  
Nec mea differri possunt iam fata: dehiscit  
Iam latus: et saxum strinxit p̄cordia uulnus.  
Sed neq; me mors ista grauat: sat uiuimus: atas  
Nostra quaterdecimi transit confinia lustris.  
Si misera paucos uitæ deus adderet annos  
Non tamẽ auferret mortem. necis omnibus æqua  
Conditio: et capulo semper uicina senectus.  
Adde q̄ hic claro casus duce dignus: et inter  
Tela uiro forti uitam deponere pulchrum est.  
Nec cædes me tanta iuuat: nec more ferarum  
Rimari cupio crudeli uiscera dextra.  
Pellere uim ui iura sinunt. et uulnere uulnus.  
Ipse deus qui lora tenet uitæq; necisq;  
Viderit an melius caput hoc seruare uel hostem:  
Sed te per superos oro: longæuaq; nostri  
Iura sodalicii nostras ex hostibus istis  
Reliquias auferre stude: patrioq; reconde  
Me tumulo. his dictis iterum pugnare paramus.  
Ecce comes quondam meus et nutritus in armis  
Mecum sforciaçis conto traiectus acerno



Protrahitur fugiente anima uultuq; supino  
Sanguineum uerso ducens in puluere sulcū.  
Lora traho: et tristem casum miseratus amici  
Alloquor exanimem. Felix cui numina tantum  
Præstiterint: ut post ualida facta inclyta dextræ  
Finiat illustrem cita mors et splendida uitam.  
Fata ferant mihi funus idem: muliebria plumæ  
Membra decent: acres animi durataq; bello  
Corpora non optant nisi factam uulnere mortē.  
Chare uale comes: ante diem q̄ sidera claudant  
Suspisor elysio tecum me in limine cernes.  
Sic efatus agor pernici in p̄lia cursu.  
Aedimus immensam stragem: nec ferrea nobis  
Tegmina: non densæ possunt obstare cohortes  
Et iam terga dabant hostes: gens barbara toto  
Cesserat ex uallis circo: cum ferrea leuam  
Glans ignita manum ferit: mox altera tergum  
Perculit. elapsis sonipes iam liber habenis  
Ibat: et obscura sensim mihi lumina nocte  
Mors umbrabat: equus spumans æstu atq; labore  
Victus ubi prospexit aquas se misit in amnem  
Nec rectoris habens legem pcumbit in undis  
Et me semianimem sternit: sepelitq; sub alto  
Gurgite post multos uitæ mortalis honores  
Sic posui afflictos ui ferri et fluminis artus.

Mors tandem: totiens aliis illata recepit  
Me quoq; et accepta cessauit anhellitus unda.  
Altera lux aderat: cum plæbs germanica lugens  
Affuit: ut uita functos transferret in urbem:  
Me quoq; dum prædæ cupidi scrutantur arenas  
Et torrentis aquas unco rapuere tridente.  
Agnouere ducem: et spoliis lætatus opimis  
Barbarus elatum tulit in sua mœnia corpus.  
In risus abeunt gemitus in gaudia transit  
Luctus: et insigni feror ad sacrata triumpho  
Limina sublimis uigili: condorq; sepulchro.  
Exitus hic uitæ. fuerit quæ cura cadenti  
Quando audire libet: nec me narrare pigebit.  
Prima fuit mihi cura deus. manibusq; uidebar  
Ante coronatum spinis et sanguine regem  
Supplicibus ueniam et sedes orare quietas  
Miratusq; mihi nullos in morte dolores  
Nulla dari tormenta manus ad pectora iunxi.  
Tum mihi natorum fuit et consortis imago  
Ante oculos: patriq; omnis astare putabam:  
Et generum: qui nocte omnem explorauerat orā  
Strenuus: et nulli bellorum laude secundus.  
Bentiuolosq; duos: unum cui felsina primum  
Pro meritis patrum atq; suis concedit honorem:  
Cuius amor q̄q̄ solitum quandoq; nitorem



Perdere sit uisus tamen alto pectore nunquā  
Fluxit. et Andream: cuius si munere uirtus  
Sit donanda pari tellus non sufficit omnis.  
Tanta fides talis pietas mortalia transit  
Præmia et æterei partem sibi poscit olympi.  
Attonitus fixis oculis præssaque manebat  
Voce Refrigerius: nec dissimulare dolorem  
Iam poterat. uidi lachrymas: suspiria uidi.  
Et dolui tantos hominem ammisisse labores.  
Hos inter moriens natis dare pauca uidebar.  
Languenti mandata sono postremaque uerba.  
Sic memorans. mea progenies fortissima bello  
Pectora: qui prius est usus uitalibus auris  
In fatum prius ire decet: qua uiuimus æquum est  
Arte mori. uobis famam nomenque relinquo  
Perpetuum. mea dent uobis uestigia legem  
Viuentique modum. poteram discedere ab armis  
Tutus: et auecta fluuium transmittere cymbam.  
At seruanda fides uetuit producere uitam.  
Tanta fuit semper ueneri mihi cura senatus  
Tantus amor semper melior mihi sanguine uirtus  
Visa. nec adriacum potui nisi morte leonem  
Linquere: nec moriens linquo. post ipsa iuuabo  
Funera ni uires animo sensumque negabunt  
Numina. uos illi si quid suprema parentis.

Inſſa ualent: ſi quid pietas: ſuccurrite totis  
Corporis atq; animi neruis: et barbara ueſtrum  
Robur ab auſoniis auertat finibus arma.  
Viuite concordēs. fraterni nominis auctor  
Explicuit q̄to conuerti foedere debent  
Quos natura pares e ſanguine fecit eodem.  
Militat in bellis amor: eſt in pace uoluptas:  
Arma dabit pietas et inexpugnabile uallum  
Rebus in aduerſis: erit et mihi grata ſepulto.  
At tu chare puer grai cui nomina regis  
Indole qui tanta fortes aſcendis ad annos  
Germanas matremq; pia complectere cura.  
Viuite felices. aeterno lumina ſomno  
Iam mea calligant: mors occupat ora ualete.  
Sic fabar moriens. circumſtantiq; coronæ.  
Sum uiſus ꝑbere manum: lachrymoſaq; natis  
Oſcula et uxori chariſq; relinquere amicis.  
Mox animus tãq̄ coeco de carcere liber  
Strenuus emicuit. patuere latentia mundi  
Foedera. cœleſtes licuit cognoscere cauſas:  
Naturæq; uias aeternaq; ſemina rerum.  
Tunc uarias riſi ambages uanumq; laborem  
Scrutari ſuperos cœliq; arcana uolentum:  
Tunc ego neſcio qua ſubito ui tractus in altum  
Efferor: et tranans auras et nubila cœlo



Iam uicinus eram: cum me Catharina beato  
Diuum cincta choro superas auexit ad arces.  
Latus et a curis liber mortalibus ibam  
Mobilior plummis celeri uelocior euro.  
Ipsa quoque ostēdens hilari noua gaudia fronte  
Sic ait. ille tuus qui sic accensa momordit  
Corda dolor grauis illa tua querimonia mentis.  
Diluit omne nefas animi rubigine tersa  
Te stygiis exemit aquis: acherontia clausit  
Stagna tibi. tria pandebat iam cerberus ora  
Iamque aderant missi lemures a limine ditis  
Qui te precipiti raperent in tartara cursu.  
Anguis ut ætatis uicium deponit et annos  
Angustum per iter gradiens perque aspera saxa  
Ut panthea senex patiens incendia foenix  
Ignis odorato renouat sua tempora sacro.  
Sic pietas ardens animæque gementis anhellum  
Pondus ab infecti sceleris calligine lustrat:  
Nulla magis tollunt concretam februa sordem  
Nulla animi pestem medicina potentius aufert.  
Hic nobis uident hos cælos qui singula uoluunt  
Sidera et octauum lucere tot ignibus orbem?  
Perspicuumque gelu mundi que immobile culmen:  
Hic nobis æterna quies concessa tonantis.  
Arbitrio. nobis toto licet oia cælo.

Ducere: sed claro martis tibi tecta sub orbe  
Dat pater. inferius quorsum liber ire licebit:  
Alius ire nefas. tua sit cum marte potestas.  
Sic ait: et nitidis pulchrum caput abdidit astris.  
Est igitur cum marte mihi domus ampla diesq;  
Perpetuus: segura quies: aeterna uoluptas.  
Hic habitant animæ illustres: quæ fata profanis  
Accipiunt bellis: si sit miseratus ab alto  
Orbe deus. christi pro religione cadentes  
Altius admissæ per summa cacumina mundi  
Tecta tenent: et cuiq; sua est satis ampla uoluptas  
Omnia spiritibus cœlestia corpora sanctis  
Plena: dei cœlum domus est immensa: puderet  
Amplius his habitare locis: felicia semper  
Vulnera quæ tantis animum soluere tenebris.  
Talibus orandi finem iam fecerat heros:  
Atq; nouam tristi spoliatus imagine formam  
Sumpserat: et clarus gemmis radiabat et ostro:  
Qualis erat festis gradiens ad templâ diebus  
Splendidus et multo Salomon spectabilis auro.  
Tunc ego qui fueram casu tristatus acerbo:  
Iam positis animi curis tua funera dixi  
Non igitur sunt flendâ: quibus de carcere longo  
Soluenis: atq; graues claudis tam fortiter annos.  
Vita fuit uirtutis opus: mors gloria cœlum.



Parte tui meliore tenens. olimq; resument  
Corpora uitales fatis melioribus auræ:  
Cum suprema dies aderit. tua possidet orbem  
Inclyta fama: manet pro te tua clara propago.  
Non paridis iaculo: nec ab uno uictus achille.  
Nec lapithas inter pateris et olentibus urnis  
Occidis: aut diro sicut Tirinthius igne.  
Non te fœmineo montana betulia sexu  
Non te maſſagerthum tomyris regina fefellit.  
Non onus argiuo fregit tibi tempora saxo  
Nec: qua morte ferunt perſam cecidiſſe Darium  
Dextra ſeruili fodit tua pectora ferro.  
Non in pace ſedens armis et fraude tuorum  
Captus obis: quali maculauit cæde ſenatum  
Impius in patriam Caſar: non tincta ueneno  
Pocula mortifero ſumis: quo ſæua rulerunt  
Pœnum fata ducem. nec tu tua uiſcera telo  
Ipsa tuo laniās: quæ ſors miſeranda Catonem  
Implicuit: q̃ eum lucis uitæq; puderet.  
Nec pauido xerxi ſimilis cum milite multo  
Funderis a paucis: nec iners aut ocia ducens  
Ruſtica ceu libyæ domitor: Si fortibus armis  
Si ſuperas animis et uitæ laudibus iſtos  
Dicam alias mortis certe tibi gloria maior.  
Nam uelut excelsas altis in cotibus arceſ

Non nisi ui multa et longo molimine duri  
Deiciunt hostes sic te non misit ad umbras  
Vna manus non una phalanx: exercitus omnis  
In tua fata coit peterisq; a millibus unus.  
Sed neq; te imbelles indi molles ue sabei  
Pigmei ue breues rapiunt. uerum accola rheni  
Gens durata gelu genus insuperabile ferro:  
Quod totiens Romam tū cū ditione p̄mebat  
Europæ libyæq; urbes Asiamq; minorem  
Terruit hi superant parthos: thracūq; furores  
Quos martem genuisse ferunt hi spicula torquēt  
Pantelilææ non inferiora securi.  
Et iam certa dies tenebras altumq; soporem  
Ruperat: euigilans uerba imperfecta reliqui.  
Visaq; per somnum tacita mecum omnia mente  
Suspectoq; metu uoluens sint somnia dixi  
Vana precor: somnumq; ferant et somnia ueni.  
Nec dum finieram cum tristis epistola nobis  
Nunciat infelix et lamentabile fatum  
Principis o nimium dixi ueracia si quid  
Somnia triste ferunt uana et mendacia quando.  
Gaudia significant: rebusq; inimica secundis.  
Scilicet istud erat qđ mens p̄saga malorum  
Senferat: et coeco gemitum dabat ægra dolore:  
Mœrebatq; tacens: et tristi pallida nocte



Vt solet hybernus piceis sub nubibus aer.  
Tantane tam subito uirtus occumbere fato  
Tantus honor potuit? Tanta expectatio rerum  
Occidit in medio tanti mollimine belli:  
O superum metuenda manus. sententia semper  
Aequa: sed humana nunq̃ p̃cognita menti.  
Spes hominum fragilis fortunaq; lubrica uanum  
Consilium. sensus ebetes. prudentia cæca  
Quot capitur delusa modis? cum lata secundat  
Prosperitas seruare modum: frenare uolantes  
Nescit mens humana rotas: ardentia flagrant  
Vota: calet pectus: gliscit sine fine libido.  
Addit se comitem uotis audacia mendax  
Fertq; p̃ abruptos filices: eberatq; sequentum  
Lumina ne casū meruant: ubi duxit in altū  
Præcipitat. gaudetq; rudi noua murmura uulgo  
Ingerere: et lubitis orbē terrere ruinis.  
Propterea quicūq; loco sublatus ad auras  
Constitit illustri: sūmā non appetat arcem  
Ne pessum deiectus eat. Voluere gigantes  
Turribus aereis cælos æquare deūq;  
Trudere de regno: et rerum ditione potiri.  
Sed pater indignans animis opus impulit audax  
In latus: et gentem merisit sub mole superbā.  
Dedaleos contra monitus puer Icarus auras

Dum seccat et letibus dum tendit in aera pennis  
Non tulit hoc titan; caras ardore liquentes  
Solvit: et ammissis perit labor irritus alis.  
Amphitrioniadae telis praantius haeros  
Figitur: et spernens habilem gestare pharetram  
Sumpsit ab herculeis vulnus letale sagittis  
Occidit infelix Phaeton dum lora gubernat  
Mortali diuina manu. uidisse patrum  
Limen: et illustrem phœbi tetigisse quadrigam  
Debit esse satis. nisi mens illecta fuisset  
Auricomi splendore patris. curruq; nitenti  
Tutus erat. finem uotis audacibus ergo  
Ponite rectores orbis. quæ semper in altum  
Euolat et nusquam uestigia figit harundo  
Quo magis ingreditur nubes et sidera tanto  
Ocyus in terras caput est uersura caducum.  
Mitius ægrotant si quos temeraria pellit.  
Ex humili fortuna loco: quos trudit ab alto  
Quando nulla quies alia conceditur arte  
Tristitiam celeri cupiunt abrumpere fato.  
Sed quid flere iuuat mortes: alienaq; fata?  
Nos omnis domus illa manet. dilabitur ætas  
Dum loquor et celeres torquent sua stamina parca.  
Quod superest: gelido damus inscribenda sepulchro  
Verba renascenti quæ a posteritate legantur.



Clara feuerinas tua belliger ossa Roberte  
Hic habitant. potuit uirtus a morte tueri  
Nomen et egregiam mentem: mortalia membra  
Non potuit: totum laus est tua missa per orbem.  
Religio et pietas animum comitantur in astris.

FINIS

FRATRIS Baptiste Mantuani Carmelite theologi ad. D. Falconem Protonotarium cuius beneficio ex omnibus periculis est liberatus.

Carmen

EBEO (sed curæ prohibent)

d tibi carmina Falco

Aegraque mens uariis sollicitudinibus.

Dignus es æterni cui decernantur honores:

Sacraque solenni conficienda die.

Sicut enim domitis proles Tirynthia monstris

In superum sanctas fingitur esse domos.

Sic ubi fatales lachesis tibi uoluerit annos:

In paradisiacos ibis ab orbe lares.

Et nisi religio uiuis ea dona negaret:  
Iam tibi lucentes poneret ara focos.  
Nec magis adiunxit fessum labor herculis orbem:  
Quam tua gentiles prouida cura meos.  
Te duce de scyllæ canibus de fauce charybdis]  
Eruimur: placido perfruimurq; mari:  
Te duce cum paruo nauis mea remige tutum  
Fecit harenosæ per uada syrtis iter.  
Nostra Caphareo duce te sub uertice puppis  
Transiit. et tyrium qua tulit unda bouem  
Et qua septenos uomit unda reciproca fluctus:  
Euboicos inter. Castaliosq; sinus.  
Nec potuit nauplus fictis illudere flammis  
Nec pauidam cautes corripuere ratem:  
Te duce cyclopes immania monstra subargi:  
Est Erymætheus te duce uictus aper.  
Phasides et circes Acheloiadumq; sororum  
Carmen et harpyias stymphalidasq; fugas.  
Te duce Gerionem et barbara uicimus arma:  
Armigeram segetem flammiuomoscq; boues.  
Te duce nigrantes crebi superauimus umbras.  
Et caua tartarei fugimus ora canis.  
Te duce seruata leges: et iura parentum:  
Nostraq; res manus publica robur habet.  
Te duce quassatam fulcris melioribus ædem



Et laceram solido struximus are domum.  
Te duce pontificis summi mihi limen apertum  
Et sancti patuit regia magna patris.  
Sic precor immensi pateat tibi regia cœli:  
Teq; suum christus collocet ante thronum.  
Tot meritis unum: quo tangere sidera possis:  
Adde: Quirinali limen in urbe dato.  
Cur precor a latio soli prohibemur: an unq̃  
In Capitolinas uertimus arma domos?  
Non nos progenies senonum: non punica turbâ.  
Non sumus hyrcanum: sarmaticūue genus.  
Itala gens linguam et mores edocta latinos  
Hauستاq; de petrum religione sumus.  
Cur igitur quotiens Romana reuſere tecta  
Cogimur: in propria non licet eſſe domo?  
Da latios Romane lares: da cernere rhybrim  
Dapatriæ nobis regna beata tuæ.  
Auspice te nobis fas hoc ſperare putatur:  
Qui regimen cymbæ pontificalis habes  
Nos quoq; qui cupimus Romanū extollere nomē  
Suscipiet facili Martia Roma ſinu.  
Si fuit Andino miriſſima Roma poetæ:  
Nos quoq; quos aluit mintia terra feret.  
Æolus es nobis: pelago dominaris et auræ:  
Da zephyros noſtræ: remigiumq; rati.

Sic tibi fiderei dominam placabis olympi.

Et pluet ætheria iugis ab arce fauor.

Sed propera. longo lachesis iam fessa labore

Cogitat inimiti rumpere fila manu.

Post obitum benefacta manent æternaq; uirtus

Non metuit stygiis ne rapiatur aquis.

Ad eundem

I mea pieris toeuntibus undiq; riuis

Assidue curret totus in ora liquor.

Non potero meritas Falco tibi soluere grates:

Digna nec officiis fingere uerba tuis

Ille satisfaciat qui se contemnere dixit

Nec calicis uilem frigidioris aquam.

Ne tamen ignores humilis pia uota Poeta:

Paupere de loculo uilia dona damus.

Tunc tibi Romulea cum nos donaueris urbe

De locuplete penu xenia magna dabo.

Hæc sunt quæ ueniens minus ut uia laderet ægi

Dum studet obsequio nostra minerva tuo

Ista leges quando ueniunt post seria ludi:

Cum dabit extremas mensa secunda dapès.

Nulla suo res est si sit data tempore uilis

Apra ferunt magnam tempora rebus opem.

Opportuna tibi poterunt sollatia ferre:

Tempore si fuerint Carmina lecta suo.

E. i.



In Eundem endecasyllabi.

Falco Romulei pater senatus  
Nemo me: quia sit feuerioris  
Vitæ religio: putet negasse  
Fontis castali beata rura.  
Indoctos homines fatigat ista  
Simplex rusticitas: peritiores  
Quales ambrosius Boetiusq;  
Qui mores terricos: et altiore  
Felici patriam sequuntur aura.  
Musas et studium latinitalis  
Complexi fidibus lyræq; morbos  
Tollebant animi grauesq; curas:  
Iucunda modulatione fretum  
Pennis ingenium uelut quibusdam  
Sublatum rapitur: deumq; dulci  
Illapsu recipit: bibitq; nectar  
Quo mensæ superum fruuntur omnes  
Hi uere lyrici fuere uates  
Sicut pindarus insulæq; uirgo  
Lesbi gloria: grandiorq; plectro  
Alcaeus modulans uetustiore  
Et Dauid tyrio decorus ostro  
Percurrit citharam manu sonantem:  
Et sanctos superis cantat honores:

Hinc laudes ueniunt piique cantus:  
Hinc hymni resonant choros per omnes:  
Istos: posthabitis minus peritis:  
Auctores imitans tuis patentes  
Campos auspiciis perambulabo:  
Nec uulgi duce te proteruentis:  
Nugas iudicium ue pertimescam.

In Eundem

Dicet adulandi studio mea carmina lector  
In laudes nimium luxuriare tuas.  
Inuidix morbo præsens male iudicat ætas:  
Iudicium melius posteritatis erit  
Credite uenturi mendacia nulla libellus  
Ni malus interpret decipiatur habet.

Cur libellus Falco dicatur

Quod mihi curuentur uel crura uel ungula lector  
Tale mihi nemo nomen inesse puter.  
Sed quia falconis uersu meliore canendi  
Clauditur exiguo gloria magna sinu:  
Nec tamen immensas licuit comprehendere laudes  
Nec fragiles chartæ pondera tanta ferunt.  
Amphora tyrrenæ quantum degluciet undæ  
Falconis tantum pagina nostra capit.  
Hoc fuerit specimen: reliquam qui cernere mercē  
Postulat aoniæ phocidis arua petat.

Ad Pomponium

I mea Falconi placuere poemata forsan  
Aedere et a populo iam licet illa legi  
Ipse et enim cauta uersus appendere lance  
Nouit: et ingenii lumen et artis habet.  
Tu superes: cuius sententia quaeritur: ac si  
Sit clarii dictis anteferenda dei.  
Si placet adantur: si displicet oculos: nam sunt  
Omnia iudicio subiicienda tuo.

In Falc. Dist. ad Pont.

Ducere sopitis pastor potes oia curis  
Falco tuas argi more gubernat oues

In Eūdem

Quod fuit Atride nestor: Centaurus achilli  
Hoc patriæ Falco Pontificumq; patri.

In Eundem

Sæcula falconem si fortunata tulissent  
Vel cato: uel fabius: fabricius ue foret.

In Eundem

Sic alios falco superas in rebus agendis:  
Ut libye sterilem fertilitate samum.

In Eundem tetrastrichus.

Quanta rosis inter uernos est gloria flores  
Inter aquas nimphys oceanitidibus.  
Inter sidereos triuix splendoribus ignes.



Falco tibi in patrio gloria tanta foro

In Eundem

Vir bonus est precio sua qui communicat, a quo

Falco mihi gratis res operasq; dedit.

In eundem

Cur tibi tot bona sunt et tam praestantia falco?

Cultus ager quia plus fertilitatis habet.

In Eundem

Insignis uirtute cato: Pompeius honores

Tullius eloquio: religione Numa

Religio: probitas: honor: et facundia tecum

Sicq; uiros falco quattuor unus habes.

In Eundem

Cur male custodit tua ianitor atria falco?

Quod scit in ocula turpe nil esse domo.

In Eundem

Cur tibi sunt dociles serui sine crimine falco?

A simili mores accipiuntur hero:

In Eundem

Cur fors falconem nec laeta nec aspera mutat?

Mascula quod uirtus pectora firma facit.

In Eundem

Sunt propria: sunt qui niteant uirtute parentum:

Falco tuam radiat splendor uterq; domum.

Sed tuus est maior: nam quicquid laudis in omnes

E.iii.

Sparsit atq[ue] uirtus prodiga: solus habes:

In Eundem

Maxima cum doctis cur habet commercia falco:

Quod paritas homines conciliare solet.

In Eundem

Si te tristis adit quisq[ue] cur latior exit?

Falco tuum charites concomitantur iter.

In Eundem

Nicomaci nato si fas est credere falco.

Non tibi iam laus est sed referendus honor.

Est honor: in portū cum puppis ab æquore uenit

Laudibus incoeptum continuatur iter.

In Eundem

Quid tibi cum musis qui tanta negocia tractas?

Pinguis ager syluis: graminibusq[ue] uirer.

In Eundem

Quos aliæ prohibent recipit tua ianua falco:

Non tua: sed populī commoda solus amas.

In Eundem

Publicolæ nomen paries inscriptus habebat:

Falconis credi debuit esse domus.

In eūdē: d[icitur] parione q[ui] si pater regionis

Area falconi pareo coniuncta uocatur:

Falconem regio prædicat illa patrem

Dat tibi concisum laudis compendia nomen:

Omnis ut eulogio lingua sit apta tuo.

In Eundem

Cur genium fraudas: cur respuis ocia falco?

Calcar habet uirtus desidiamq; domat

In Eundem

Cur scythæ: cur græcus: cur te ueneratur iberus?

Vritur officiis quælibet ora tuis.

In Eundem

Argolicas maior tyrias minor ursa: sed omnes

Aurea falconis stella gubernat aquas.

In eundem

Cur tua distinctis fulgent serpentibus arma?

Philtro minus si sint dissociata nocent.

Hæc hominem signât: qui bella domestica sedat

Et quæ ciuilis luscitat arma furor

In eundem

Vnde fit ut doctos uocet ad cõuiuia falco?

Ne pars officio temporis ulla uacet.

In eundem

Cognita cur tibi sunt idiômata barbara falco?

Ex toto uirtus orbe petita tua est.

Pullytropum uates dixit smyrneus olysssem:

Ast ego te sanctum pullytropumq; uoco.

In eundem

Cur nunq̃ alternis cædunt tua seria ludis?

E.iiii.



Nempe quod abstrusum mēs tua numē habet.

In Eūdem

Ora tuas falco resonant cur omnia laudes?

Est laus: et non est dicere uera labor

In Eundem

Cur tibi tam leuis est: cur tam iucunda senectus?

Libera quod uiciis tota iuuenta fuit.

In Eundem

Cur tua iam grauibus uirtus non frangitur ānis?

Nec patitur uitæ deficientis onus?

Corpora mens: mentē uirtus: deus omnia seruat:

Cur minuet uires longa senecta tuas?

In eundem

Quid ualeat uirtus ad acerbæ ferrea sortis

Spicula falconis testificatur honor.

In Eundem

Cur aliquādo fuit tibi sors inimica nocensq?

Quod uirtus fuerit semper amica tibi

Aemula uirtuti sors est: quos eleuat illa

Ista premit crispo torua supercilio.

In Eundem

Cur te dissimulas? cur non in honore supbis?

Falco supercilio gloria uera caret.

Sors facit elatos: et inscitare rumentes:

Et generant mores corda superba feros.

Exhilarans frontem uirtus augusta serenam  
Cur placidum: clemens: mite piumq; parit.

In falconem: elegia

Dicite falcones habeat cur martia paucos

Curia: quæ colitis phocidis arua deæ!

Dicite dum tenui strepit Allia murmure: dum sol

Urget ab excelso pectus et ora polo.

Dum semiustra sonant querulis arbuta cicadis

Dum mader: et muscis sollicitatur equus!

Dicite sed neruis non est opus: ore canendum:

Arridulo media carmen equestre die.

Cum dabitur secura quies meliora canemus

Nunc satis est celeri ducta figura manu.

Finieram: uocem mox extulit una sororum:

Paucaq; disparibus rettulit ista modis:

Est domus in summo saxosi uertice montis

Ardua: quo durum semita tollit iter.

Auratus paries gemmis uestitur ubiq;

Artis apelleæ nobile fulget opus.

Hi sunt qui sophia: qui religione uel armis

Aut aliter sumum promeruerunt decus.

Hic retinet bello præstans et pace repertus

Inter martigenas regia sceptrum duces.

Ipse seueri generis nitor: ipse latinam

Militiam pacem iustitiamq; regit.

Hic est caraphiam qui tollit ad aethera gentem:  
Cui placidum mitis nomen oliua dedit.  
Hic est Romuleæ prisco de sanguine gentis:  
Qui ueteres falco laudibus æquat auos.  
Vidimus hos uirides lauri gestare coronas:  
Et loca quemq; suo prima tenere choro.  
Tota cohors tribus assurgit: nec uidimus horum  
Quis prior: et cuius palma secunda foret.  
Atq; prima labor: tecti penetralia uirtus  
Seruat: in extrema parte locatur honor.  
Horriferum labor est et inexorabile monstrum:  
Quale quod infernas excubat ante fores.  
Pectora lata tument: collum breue: brachia setis  
Hispidæ: neruose marmoreæq; manus.  
Hic cadmi superanda seges: mactanda chimera  
Atq; medusæ colla secanda feræ.  
Hic uigil hesperidum custos fallendus: iasō  
Hic domat iratos flammea monstra boues.  
Hic fuit hippolytus cursu laceratus equorum:  
Et cito uirtutis uiuificatus ope.  
Nam labor in uarias solet migrare figuras:  
Nunc leo: nunc aper est: nunc bouis ora gerit.  
Sicut acarnano est de flumine fama deoq;  
Qui uada carpathiæ lata tenebat aquæ.  
Plurima barba: micant oculi: stant cornua fronte



Esurit: et sicco semper in ore sitis  
Sudat: et in rorem facies et pectora currunt  
Nulla quies: nulla est desidiosa dies  
Illia magna: femur ualidum: sine pondere uenter:  
Desinit in latos tibia longa pedes.  
Bille tumet: furit: intrantes clamoribus arcet:  
Vociferat toruum: multiplicatq; minas.  
Vt reor hoc prisci uates dixere minervam:  
Nam minuit uires: debilitatq; labor.  
Qui cupiunt igitur sanctos intrare recessus  
Longa prius duro praelia Marte ferunt.  
Dicitur Alcides Ericem qui uicit ab isto  
Victus in herbofo prœcubuisse solo.  
Et nisi certantem uirtus miserata fuisset:  
Semper erāt sacra limina clausa domus.  
Ipsa fores referans fessum totoq; labantem  
Corpore: porrecta traxit ab hoste manu.  
Huc ueniunt homines uirtutis imagine ducti:  
Sed refugit uerso territa turba pede.  
Hic opus est animis: et firmi pectoris ausu:  
Vincit quem longæ non domuere moræ.  
Degeneres animi primo in certamine cadunt:  
Nec pudet expelli: nec dare terga fugæ.  
Limen ad hoc falco pugnare uiriliter ausus  
Obtinuit fractis regia tecta seris.

Hicq; diu doctus delubra subinit honoris  
Victor: et immensas inde recepit opes.  
Sicut aristeus post uicti praelia monstri  
Repperit occiso dulcia mella boue.  
Et quoniam pauci superant hæc atria: paucos  
Falconi reperit curia sancta pares.

In falconem

Vnde magistratus falco tibi gloria tanti  
Quos aluit uirtus magnificauit honor.

In Eundem

Pulsa redi uirtus reuocat te libera roma:  
Nam patriæ falco regnat in urbe pater.

In eundem

Estr alias falco superat qui cæde uolucres:  
Hi alios meritis et pietate uiros.

In Eundem

Praxiteles sculptor: uates maro: pictor apelles:  
Herbipotens chiron: belliger hector erat:  
Musicus Amphion: Tiphys nauarcus: apollo  
Fatidicus: mars ui: maximus arte finon,  
Gnosiæ Alcon iaculis clarebat et arcu:  
Mercurius lingux munere: castor equis:  
Automedon currus moderatur: Aranea telam:  
Artifices pallas: luna bicornis aquam.  
At cõmune bonum Christi q; negocia falco

Curat: et hac illi culmen in arte datur.

In Eundem

Desipiunt Romam qui degenerasse fatentur:

Romuleos falco laudibus æquat auos.

In Eundem

Iam Romana satis tuto ratis æquore fertur:

Nam pelagus falco remigiumq; tenet.

In Eundem

Cur est pulsa fames: Romæ Cur bella quierūt?

Quod cererem falco: temperat atq; iouem.

In Eundem

Arma placent aquilæ parit aurea sæcula falco

Ciuiibus: hic christo militat: illa ioui.

In Eundem

Omne quirinali scelus eiicietur ab aula:

Limen enim falco pontificale tenet.

In Eundem

Quid gemis amissas aquilas priscumq; decorem

Romæ: tuus falco te reparare potest.

Roma meos inquit uexat discordia ciues:

Nec ratio sed iam uiuit in urbe furor

Iste meus nulla dolor est sanabilis arte:

Deridet medicas ista podagra manus.

Non si præteritos reuocet noua purpura reges:

Non si Cæsaribus: Consulibus ue daret



Falconem fateor si spes foret ulla salutis  
Forſitan erumnas poſſe fugare meas

In Eundem

Quid tibi mæcenas quod ſis ſub cæſare falco  
Proderit: exclusus ſi ſit ab urbe maro?

In Eundem

Quoſdam thraicios audiuit Roma loquentes  
Palluit ultores credidit eſſe gothos.  
Tunc ego: dum falco dum regnat Acacius inq̃  
Roma ſede: et nullo ſollicitere metu.

In Eundem

Auget opes alius Roma: ſtudet alter honori:  
At ſtudioꝝ falco religionis habet:

In Eundem

Cur populo ſemper domus eſt falconis aperta?  
Quod ſit honeſtatis iuſtitiaꝝq; domus.

In Eundem

Sceptra tenet falco: Romana catonibus aula  
Paret: in aſſyrios ſardanapalus eat.

In Eundem

Aurea falconis uirtus eſt ſidere maior:  
Non metuam rutilæ flammea monſtra comæ.

In Eundem

Vidimus aſſueto priuatum lumine ſolem:  
Pallida turbato uidimus aſtra die.

Vidimus horrendos criniti sideris ignes:  
Et grauis artonito regnat in orbe pavor.  
Non ego defectum phœbi te sospite falco  
Non metuam fulmen terribile sue comas.  
Non metuam terræ motus: non æquoris æstum:  
Non canis æstiuo cum furit igne sitim.  
Scimus enim quoniam deus est pietatis amator:  
Ventura auspicio prospera cuncta tuo.

In Eundem

Innumeros phœnix: et phœbi nuncius annos  
Viuit: amadryades tempora longa deæ.  
Sæcula tot ceruus: tot uiuit sæcula cornix:  
Æst hominum paucis uita diebus abir.  
Recte igitur falco maior tibi cura dierum:  
Quã sit opum: redit æs: non redit ulla dies.

In Eundem

Est tibi diuitiis uirtus et honoribus impar:  
Cur dat inæquali præmia luce deus?  
Præmia uirtutum non sunt mortalia: tanti  
Nemo uoluptates diuitias ue putet.  
Est tibi supremo melior thesaurus olympo:  
Vnde tui merces tota laboris erit.

In Eundem

Diues es: at cræso longe locupletior esses:  
Si meritis hominum diuiderentur opes.

Ad Eundē de uirtute sapphicum carmē  
Cum deus magnum fabricaret orbem  
Et polos alto sinuaret arcu:  
Iussit aeterna rutilare pulchrum  
Lampade solem  
Iussit et lunam dubia micantem  
Luce sublimes agitare Currus  
Et per obscuras aliena ferre  
Lumina noctes  
Aureiscēlum uariauit astris  
Quæ per ingentes reuoluta gyros  
Fata dispensant: humilisque terræ  
Regna gubernant.  
Aeris tractus auium Canoris  
Cantibus: terras nemorum uiuenti  
Fronde: diuersis decorauit altum  
Piscibus æquor  
Tunc ad argutos philomena cantus  
Guttur aptauit: didiciteq; uoces  
Psithacus nostras: nituit superbo  
Tergore pauo.  
Barbaram citrum preciosus atlas  
Ida funebrem peperit Cypressum  
Pelion Quercus solyma rulerunt  
Balsama sylux



Et tagus fuluo nociturus auro  
Fluxit: et croesi uiridem per oram:  
Lydius cursu properauit hermus  
Inuidioso  
Tunc per humentes pelagi meatus  
Squammea cinctus populi Caterua  
Post suum fluctus equitauit altos  
Prothea delphin.  
Sic deus cœli maris atq; terræ  
Fecit ornatum: tamen ad decorem  
Mentis humanæ magis applicauit  
Artis acumen.  
Mens. n. summo nimium parenti  
Chara: pro uitæ sapienter actæ  
Præmio: mundi fuit in beatum  
Limen itura.  
Dumq; ei cultum dare singularem  
Cogitat: pulchris Areten capillis  
Forte prospexit spaciosa solam  
Ire per arua.  
Namq; flāmantis meditans olympi  
Lumen: et cursus Arete uolantes  
Nomen aptabat numerumq; claris  
Addidit astris.  
Iam maris fluxum tumidosq; fluctus

F.i.

Norat: et quare tremebunda tellus  
Fluctuet: quare iaculetur aer  
Nubilus ignes.  
Norat et linguas hominumq; moref:  
Et quibus falli solet et refelli  
Veritas tecto male nota uultu  
Norat elenchos.  
Fecerat nostræ documenta uita:  
Et quibus cœli peteremus arcem  
Sortis humanæ miserata casum.  
Fecerat artes.  
Hanc deus menti comitem ducemq;  
Fecit: ut casus patienter omnes  
Feret: et nullo scelerum tumultu  
Deiceretur.  
Ipsa nos duros uocat in labores  
Nec dies nobis finit ociosos  
Hoc ait nostros petiisse cœlum  
Calle parentes.  
Ipsa falconis comitata gressum  
Fecit ut duros tolerans labores  
Iret ad summum decus atq; uitam  
Labe carentem.  
Ipsa falconis uigilanter aurem  
Vellat: et nostri memorem negoti

Reddat: ut portum brevior cursu  
Cymba subintrer.

In Eundem de uirtute

Mens uirtutis inops mare piscibus: alite cælum:  
Sideribus mundus: gramine terra carens.

In eundem de uirtute

Pyramides Nili: pharos insula: iuppiter ammon

Mausoli et triuix marmora celsa deæ.

Regna semiramidis: Romana palatia iunge:

Si placet et solymi templa superba dei.

Talia simplicitas hominum miracula dixit:

Qui nisi terrenas nil speculatur opes.

Hæc lapidum moles cælataq; saxa fuere

Quæ grauis eximia fecerat arte labor.

Longa dies marmor solidum contriuit: et æra

Tempus enim dura singula fauce terit.

Maius opus uirtus: quam nec dissoluere possunt

Tempora: nec rauco fulmina pulsa sono.

In Eundem de uirtute

Plurima uirtuti laus hic: at præmia nulla:

Nam deus illius præmia solus habet.

In eundem de uirtute

Eximie claros cur ad uirtutis honores

Ex humili plures uidimus ire loco?

Pauperibus uirtus quia sit sine dote maritis

F.ii.



Nubit: habet grandes fors opulenta uiros  
In Eundem de formoso et studioso  
Iuncta uenustati probitas iuuenilis in auro  
Candida purpureis lilia mixta rosis:  
Additus in calato uiolis amaranthus eburno:  
Et cum purpureo medica mala croco.

De deformi studioso.  
Abdita deformi uirtus sub corporis antro:  
Tecta cauernosis attica mella fauis.  
Rex in ueste rudi lutea thesaurus in urna:  
Phagina gemmato dactyloteca sinu.

De pulchro et uitioso  
Forma mephitifero polluta libidinis usus:  
Picta cadaueribus plena sepulchra nouis.  
Fœta uenenosis argentea uasa colubris:  
Oblita tartareo lactea gemma luto.

De deformi uitioso.  
Improbilas animi deformibus addita membris  
Virtus in obsceno triste nocensq; cado.  
Frigida limosis inclusa paludibus hydra:  
Turpibus in lustris dente superbus aper.

In Eundem de uirtute  
Alcides lapythas: indos deuicit lachus:  
Isthmiaco iuueni præda chimera fuit.  
Pelleus babilona labor tristemq; darium

Vicit: et ifiacas memnoniasq; domos.  
Aefonides fuluum uelus: danaea propago  
Gorgoneos angues æquoreamq; feram.  
Cæsaris occiduo ueniunt ex orbe triumphis:  
Scypiade libycos perdomuere lares.  
His æterna dedit laudum præconia uirtus  
Maior: et immensum fortia facta decus.  
Ardua res uicisse alios uictoria maior  
Est animi fluctus composuisse sui.  
Subiecisse metus: et debellasse timores:  
Gaudia sp̄q; graui supposuisse iugo.  
Propterea longe maior tua gloria falco  
Surgit: et armatos uincis honore duces.  
Cur boni uiri posthabeantur  
Sp̄ote malos homines: et noxia grammina nutrit:  
At melius semen ferre recusat humus.  
Mitior est propriis: alienaq; pignora semper  
Tractat inhumana dura nouerca manu.  
Vir bonus est cœli: malus est telluris alumnus:  
Quos igitur cœlum diligit: odit humus.  
De comuni lætitia ī magistratu falconis  
Fusca prius quare fulgent candore niuali  
Atria: et albentes explicat aula sinus?  
Cur domus exultat: molles cur læta coronas  
Induit: et multa ianua fronde uiret?

Barbara cūr nitidos uelant auleā penates?  
Aurea cur pictum signa lacunar habet?  
Roma senes alacri cui nam uenit obuia pompa?  
Quo properat celeri tota iuuenta pede?  
Thybris ouans gestit: sicut gestiuit olympus:  
Cum rediit uicto iuppiter encelado.  
Hæc ego dum meditans tacito sub pectore uoluo  
Concita uox aures impulit ista meas.  
Fortunam superat uirtus: prudentia fatum:  
Curat honestatem iustitiamq; deus.  
Ista uiris grauib; fecit populoq; quirini  
Falco magistratu gaudia tanta suo.  
Ad philippum baueriam.  
Turbida nunc urfos clamat nunc Roma colūnā  
Esse quid attonita pacis in urbe potest?  
Et nisi falconis scirem me numine rutum:  
Iam mea populifer cerneret ora padus.  
Propterea diui repetes cum limina petri:  
Ne fluat in longos fac mea causa dies.  
Ad falconem  
Cum deus extructo terras inuiseret orbe  
Cunctaq; de ueteri cerneret orta chaos.  
Naturæ ex utero traxit duo pignora quorum  
Nutibus humanæ diuiderentur opes.  
Virtutem fortemq; uocant: temeraria forti



Frons fuit: at uirtus castra modesta proba  
Mentis inops orbamq; ferens sors lumina frontē:  
Iustitiam nescit: consilioq; caret  
At uirtus gratis: aqua sagax innoxia uerax  
Pondera mensuras corrigit et numeros.  
Quod iubet utilitas uirtus: quod poscit honestas  
Præstat: inaudita nil ratione facit  
Sors aut quicquid præceps sine lege libido  
Suggerit: instabili datq; adimitq; manu.  
Ipsa sibi satis est: ipsa est sibi præmia uirtus:  
Sors est præter opes et sine honore nihil.  
Has sibi: quod nemo potuit sine munimine: tãdem  
Eualuit falco conciliare duas.  
Nec mirum: quoniã quisquis ueneratur olympū  
Ipse sibi cœlos subicit atq; deum.

Colloquium inopum de falcone

Dixit inops inopi sacram Laurentis ad ædem  
Quid facis ad floræ tristis inersq; forum?  
Dum mea: respondit: tractare negocia tento  
Expilor assiduus quotidie aucupis  
Æs periit: nec habet finem rerum uilla mearum:  
Quid faciam infelix? unde precabor opem?  
Obtinet expulsa probitate pecunia Romam  
Nec deus in tota possidet urbe locum.  
Quot homines Romæ tot eunt per compita fures

Quosue canes speras experiere lupos  
Ii lacedemonii: scythiam petiere quirites:  
Nam lacedemonii furta licere putant.  
At scythia: populi damnant: grauiusq; minant:  
Vt mos consulibus caesaribusq; fuit.  
Omnibus esse lupos licet in regione luporum:  
Inter pygmeos non pudet esse breuem.  
Desipis alter ait: fugat hac opprobria falco  
Nec sua sub tali sacula labe finit.  
Sra pete falconem: sine re sine munere uinces:  
Omnis ab hoc saltem fraus aliena uiro est.

In falconem

Nuper ab exquilis quosdam descendere laetis  
Frontibus: et lento uidimus ire pede.  
Dumq; meos eadem fero per uestigia gressus:  
Et sequor aequali praeuia terga gradu.  
Audio miscentes concordibus ista loquelis:  
Verba: decem breuibus subiicienda modis.  
Vidimus antiquae specimen uirtutis in uno:  
Et fabium curium fabriciumq; uiro.  
Caesareos animos: cum religione catonis  
Artiliq; fidem cum pietate numae.  
Vidimus ardentem christi pro nomine petrum:  
Et celebrem pauli uociferare tubam  
Eloquium marci demostenis atq; salusti

Et geminos: magni cum comitate: brutos.  
Continet hos omnis sancto sub pectore falco:  
Idq; quod est falco plus habet omnibus his.  
Ad D. falc. d. morte philippi baueria querimonia  
m axime uir patriæ pater et mea gloria falco:  
Impulit in luctus me noua causa nouos.  
Tristor: et in tenebras lucem uertere dolores:  
Nec mihi nocte datur: nec mihi luce quies:  
Baueriam rapuit pestis Romana philippum  
Perdere tam sanctum mors fuit ausa caput  
Inuida mors siquid miseris uidet utile terris:  
Insidiatrices mittit ad arma manus.  
Cur ueneranda mori permisit pectora uirtus?  
Cur homini non est auxiliata suo?  
Et deus: aeterno probitas cui fœdere iuncta est:  
In cineres talem cur finit ire uirtutem?  
Quot mala quot clades hæc tanta licentia mortis  
Attulit indigno quot premit ora situ.  
Conquerimur: nec fert aliquæ querimonia fructū:  
Quotidie querimur: quotidie rapimur.  
Si perimat sæuos hominumq; cruore madentes  
Iustius: et longe mitius esset opus.  
Si cadat euristheus aliquis si infidus olusles  
Non est qui facinus non putet esse pium.  
Iste nec immiti tractabat spicula dextra:



Nec saxum rigidi martis amabat opus  
Arte regens acres sicut theodosius iras  
Mitis :et in nullos ore molestus erat .  
Omnibus innocuus:casu tranquillus in omni  
Nec tamen ignauo segnis inersq; metu.  
Iste dioneam uenerem:bromiumq; subegit:  
Votaq; lasiuæ somniculosa gulæ.  
Fecerat hospicium casto pia membra pudori  
Sicut iosephus:sicut et hippolitus.  
Non erat elatus:nec inani deditus auræ.  
Qualis tarquinius :qualis et Ancus erat.  
Ipse suas cunctis operas donabat amicis:  
Officio tota sedulitate uacans.  
Si quando uacuum tempus superesset habebat  
Siue deus totos siue minerva dies.  
Languida nec fecit tardos ignauia sensus :  
Nec uitam coluit sardanapaliacam.  
Peruigil ad mores animum reuocabat honestos :  
Mensq; erat ad curas ingeniosa pias.  
Inuidiæ nunq̃ potuit tabescere morbo  
Nec dedit atroci corda cremanda foco.  
Torus erat pietas:totus clementia:totus  
Et sine fraude fides :et sine labe pudor:  
Non erat argenti cupidus:non ebrius auro:  
Solum animi ueras accumulauit opes.

Fortis: et a recto nulla reuocabilis arte:

Quale numæ pectus: quale catonis erat.

Non labor a rebus iuuenem reuocabat agendis.

Gaudia sudor erat: cura leuamen erat.

Ipse erat irato comunis ab æquore portus:

Ipse erat in placido remus et aura mari.

Nec dum bis denos æui transegerat annos:

Et tam diuitibus mens erat aucta bonis:

Quod longis aliqui uix eualuere diebus

Iste breui prudens tempore factus erat.

Non expectauit canos matura senectus:

Ante senem senuit: uir fuit ante uirum.

Quis lepor: et latæ fuerit quæ gratia linguæ

Quæ docuit tellus romula testis erit.

Testis erit locuples nostri pomponius æui

Gloria de cuius plurima fonte bibit.

Hic: si continuo rerum senuisset in usu:

Isset ad heroum semideunq; decus.

Notus erat dirceus ager potauerat undam:

Quæ subito uates hausta deosq; facit.

In uiridi grauitas lætoq; modestia uultu

Grata uerecundi signa pudoris erant.

Cur fuerit uirtus tenero tam clara sub æuo:

Causa uelut passim dicitur ista fuit.

Nam per oliueri uestigia sancta carasæ

Assiduis ceptum continuauit iter.  
Adde quod herebat lateri falconis: et ista  
Integritas ex his tracta duobus erat  
Nam iuuenis mores a conuiuentibus haurit:  
Et calet admoto frigidus igne liquor.  
Hi sunt romulei duo sidera magna senatus  
Vnde bonis lumen: praesidiumq; datur.  
Iure igitur fratres fratrem defletis ademptum:  
Tuq; parens uentris pignora sancta tui.  
Heu perijt generis proles clarissima uestri:  
Heu cecidit uestra gloria tanta domus.  
Sed memores estote pias in sidera mentes  
Ire: nec infernos posse subire lactus  
Vixit in aethrio: quem nos hic flemus: olympos:  
Et gaudet luteas deseruisse domos.  
Deseruisse graues resoluti corporis artus  
Gaudet: et in superum transiisse choros.  
Horriferam mortem: uiuis quae maxima poena est  
Transiit: elysijs perfruiturq; locis.  
Nos quoq; lugubri flemus tua fata philippe  
Carminibus: decessus ingemimusq; tuos:  
Tu mihi tractanti romana negocia semper:  
Assiduas operas: auxiliumq; dabas.  
Tu mihi solamen: miseris tu in rebus asyllum:  
Tu uada: tu uenti: tu mihi portus eras.



Tu mihi fecisti: mea dum præconia narras:  
Egregios inter nomina clara uiros.  
Propterea quotiens sacras accendimus aras:  
Suppliciter pro te mystica dona damus.  
Tu quoque spiritibus: quorum tibi copia: sanctis  
Mutua pro nobis uota precesque dato.

Pugna uirtutis et fortunæ  
Ebria uirtutem fortuna laceßere nuper  
Cæpit: et hoc bellum dicitur orsa modo.  
Cur latitas? uanaque tegis grauitate timorem?  
Si sapias ut iactas: et potes: arma cape.  
Te iuuat obscuris nugas excudere tectis:  
Semiuiros inter fæmineosque choros.  
Tu tibi sola places: sine te nihil utile dicis  
Et populum ficto decipis ore rudentem.  
Vis phœbea tuis oracula cadere dictis:  
Et somnos hebetes desidiamque doces.  
Ast ergo sublimes animos ad sidera mitto:  
Et decoro gentem nobilitate meam.  
Regna mihi subsunt et opes et purpura regum:  
Et patitur leges terra fretumque meas.  
Tu me stultitia: tu me leuitatis ubique  
Arguis: et nomen polluis ore meum.  
Efficiam ne te deffendat inertia posthac:  
Si sapias ut iactas: et potes: arma cape.

G.i.

Nec lateo dixit uirtus: nec prælia quæro:  
Nec fugio: leges consiliumque sequor.  
Si ratio poscit pugnas: interrita pugno:  
Si pacem præfert: oia pacis amo.  
De pietate loqui de religione deoque  
Ad genus omne iuuat: nam genus omne rogo.  
Recta placent nobis: ratione carentia nunquam  
Et populum tali fallimus arte rudem.  
Non phœbea meis: uerum tua cadere dictis:  
Plena uolo obscenis dicta libidinibus.  
Ipsa leues animos in tartara mittis: et omni  
Dedecoras gentes impietate tuas.  
Præficias indignos: et regna latronibus imple.  
Subque tuo luget terra fretumque iugo.  
Nec te stultitia: nec te leuitatis ubique.  
Arguo: tale tuum dat tibi nomen opus.  
Efficiam certe ne me experiaris inertem:  
Efficiam gladio confodiare tuo.  
Desine decepatrix hominum fortuna minari:  
Nouimus et mores ingeniumque tuum.  
Fas et iura times: pro legibus uteris armis:  
Nec pudet insontes præcipitare uiros.  
Te duce Romani maduerunt sanguine reges:  
Et plerique sua procubuerunt manu.  
Bella moues: nec scis motos sedare tumultus:

Sæpius accenso territa Marte fugis.  
Novimus ad trebiam: cannas transimenaq; artia:  
Stultitiæ vires consiliumq; tuæ.  
Te rûpes tarpeia canit: canit Allia laudes  
Et gothus et fusco vandalus ore tuas.  
Aestiferum æquiperas nîbû: qui murmure multo  
Surgit: et excussa languet inanis aqua.  
Falconem quotiens fortemq; insana repertum  
In sordes ausa es pauperiemq; dare?  
Cerne locis ut nunc niteat sublimibus inter  
Purpureos patres armigerosq; duces.  
Hi sunt quos uesana fugas: cogisq; subire  
Et terra et uasto longa pericla mari.  
Alter ad oceanum finesq; recurrit iberos:  
Dum fidei debet præmia ferre suæ.  
Alter in alpinis niuib; ligurumq; per agros  
Vivit: et ad celtas ad senonesq; fugit.  
Et quia militiæ titulis excellit: et omni  
Laude nitet: duplicem fœdifragumq; uocas:  
Quis sit et eximix quæ sit prudentia frontis  
Constat: et hoc uicti non tacuere duces.  
Hos experta potes quæ nostra potentia nosse:  
Et qua conatus frangimus arte tuos.  
Disce viros fortes: et pectora sancta uereri:  
Atq; meum cessa dilacerare genus.



Verum adeo leuis es: tantisq; furoribus ardens:  
Vt nequeas ira uim cohibere tuæ.  
Qui pinxit lycium uoluit te pingere montem:  
Dum uariam fingit multiplicemq; feram.  
Ora leonis habes: quia primum pectora fastu  
Tollis: et audaces mittis in ora sonos.  
Hircus olens uenter: quia quos extollis: in omnē  
Desidiā proni luxuriāq; ruunt.  
Non opus exemplis: quorum mihi copia maior:  
In libyca q̄ sit copia farris humo.  
Vltima pars serpens: quoniam de crimine uirus  
Nascitur: et uitium dira uenena parit.  
Conscia mens culpæ taxos aconitaq; mandit:  
Semper et in tenebras suppliciumq; cadit.  
His accensa grauem rapuit fortuna phæretam:  
Et celeri torfit spicula multa manu.  
Voce manu gladio iaculis cursuq; fatigat:  
Et circūducto Strenua pugnat equo.  
Fixa manens eadem insistit uestigia uirtus:  
Nec timet insanam præcipitemq; feram.  
Ægida nam rapidis chalybum fornacibus uisam:  
Et solido clypeos et adamante gerit.  
Frustra igitur fortuna truci superintonat ore:  
Atq; leues circum fertq; refertq; gradus.  
Sæuit inutiliter ceu cum graue sibilat oestrum

Obuolitans taurum cornuperã tie bouem.  
Dum uidet in cassum se mittere tela per auras  
Infrenit .et crebro uerbere pulsat equum.  
Dum furit incaute: missisq; uagatur habenis:  
Decidit: et fracto gutturis osse perit.  
Marmoreo comites mœstæ imposuere sepulchro:  
Et super hoc quidam carmen inesse ferunt.  
Hic iacet infanî numen mutabile uulgi  
Lege carens: sola mobilitate potens.  
Arma capit Iani uariasq; ferentia fruges  
Cornua: cum clauo quo uada nauis arat.  
Tunc aîr ex media quidam sine nomine turba:  
Qui uarias sortis nouerat ante uices.  
Fidite uirtuti: fortuna fugacior undis  
Non manet: et certam nescit habere domum.  
Gaudia dum simulat: subuertere cogitat orbem:  
Insidias ridens exiciumq; parat.  
Propterea uasis Agathoclea legimus usum  
Fictilibus uerso dum timet orbe premi.  
Discite quos sursum uoluit rota ponere fastus  
Trudet ab excelso uos mora parua loco.  
Ad Eundem q; heroico carmine dicẽdus sit  
Falco quirinalis decus immortale senatus  
Quo duce restitui possent labentia Romæ  
Mœnia et illustres iterum sperare triumphos

Dummodo nostra tuas elegia reponere laudes  
Pergit: et exilem disperdit arundine cantum:  
Ecce corhurnato gradiens heroica passu  
Musa meum derisit opus: quid talibus inquit  
Ionium remis audes tranare profundum?  
Hic mihi non sulmo: nec inverti nauita uersu  
Claudicet: huc opus ē adsit uel smyrna uel andes.  
Nam neq; penelopes cura: non hyppodamia:  
Non danaes plorandus amor: non uulnus elise:  
Parua decent humiles: paruo breuis hydria fonti  
Conuenit: et paruis satis est breuis utribus aura.  
Vel pedes incedit media de plebe uiator:  
Vel querulo uehitur plaustro: uel paupe cymba.  
Magnanimis rex magnus equis curruq; superbo  
Fertur: et audaces sulcat ratis ardua fluctus.  
Magna decent magnos: magno latonius arcu  
Utitur: ingenti mauors accingitur ense:  
Immenso tonat igne pater: maiora putatur  
Gurgite sub uitreo gestare tridentifer arma.  
Huc igitur phœbea cohors phœbea supellex  
Plectra lyraq; uolent: et sacri gloria fontis:  
Huc pluat eurotas: huc omnia phocidis arua  
Certatim gelidos latices et lactea mittant  
Flumina lauretis uariaq; uirentia fronde.  
Non sit in aoniis regio sine uocibus oris




Non sine laude nemtis : nulli sine carmine fontes;  
Illustres falconis auos cantare : piamq;  
Primæui generis prolem clarosq; nepotes:  
Ipse quoq; altifono tollatur ad æthera cantu:  
Cuncta sonent heroa nouū quem rector olympi  
Diuorum ascripsit numero : qui carcere liber  
Corporeo implebit de sedibus ætheris unam.  
Dicite : et illustrem trans æquora mittite famam  
Audiat hæc tanais : mirentur iberica regnat;  
Et pellusiacas carmen referatur ad aures.  
Et didonis ager romanis æmulus aruis  
Audiat hæc : trepidetq; iterum Romana reuerti  
Classica et ausoniis iterum dare mœnia flammis.  
Scypiadas iterum metuat : dum talibus audit  
Nunc quoq; Romuleas habitari ciuibus arces.  
Transseat hæc arabes nigros ea fama per Indos  
Et repetat scyticos per seria regna colonos.  
Palladias artes rimatus in omnia uenit  
Phoebeæ secreta domus primordia nostri  
Fontis : et ætheream penetrauit lumine molem.  
Sæpe meduseis facunda liquoribus arua.  
Abluit : et nostris diues remeauit ab oris.  
Ipse iubet passim sanctos adolescere mores:  
Priscaq; cælestis renouat uestigia uitæ.  
Nec pessum finit ire pios : in egena patentes



Compita fert loculos et in agmina seminat aurū  
Ferreus ad Romæ populiq; negocia nunq̃  
Flectitur: et palmæ similis quæ pondere pressa  
Altius extollit ramos: oneriq; resistit:  
Strenuus et solers et frangi nescius ira:  
Propositi fideiq; tenax: sine munere nullos  
Pro uirtute fugit: pro relligione labores:  
Quod nisi falconis quicq̃ de laudibus aufert  
Liuor: ad excelsos ueterum se attollet honores:  
Nec sinet extingui gentis monumenta latina:  
Et sua uiuaci decorabit sæcula laude:  
Inq; dies uestros rediisse uidebitur ætas  
Aurea: et antiquæ surget uirtutis imago:  
Perpetuis igitur circundate tempora fertis:  
Et lauros hederasq; ferat frōdemq; mineruæ:  
Hæc ait: et ridens elegos humilemq; poesim  
Et caput auertens indignabunda recessit.

FINIS.

Ad. D. Falconem opus hoc elegantissimū Bono  
næ impressum est communibus expensis Benedic  
ti Hectoris librarii Platonisq; eiusdē impressoris  
accuratissimi ciuium Bononiēsiū. Anno natiuita  
tis dominice .M. cccc. lxxxix. duodecimo kalen  
das Augusti.





7180









Nicol de Valle

1492

Mantuanus 1489

Compton Laetus 1490

laticus prou...

ern. Bal...